


Handwritten musical notation on a five-line staff. The notation includes a treble clef, a key signature of one sharp (F#), and a series of notes and rests. The ink is dark and the paper is aged and stained.

Small handwritten mark or signature, possibly a stylized 'L' or 'J', located below the main musical notation.



*Non habitare solent magna Ingenia in foro
Acclibus, atque hederam picto figentibus.*



*Ille mihi ante alios, qui vix à Gorgone Maura
Distat: ut in saxum possit convertere Momum.*



Hystoria Germanica S. I.

VULTUOSÆ

TORVITATIS
ENCOMIUM.

In gratiam

Philosophorum, ac Poëtarum
explicatur,

A IACOBO BALDE
è Societate I E S U.

*Cum Approbatione & Licentia
Superiorum.*



MONACHII,

Typis LVCÆ STRAUBII,

Sumptibus IOANNIS VVAGNERI
Bibliopolæ.

M. DC. LVIII.

Ad

Nobilissimum Iuvenem

PONTICVM CRE-
SCENTIVM MARCO.

NAM Philosoph. & LE. AA.
Candidatum

PARAENESIS.

*Philosophis, ac Poëtis, cultum,
nitoremq; formæ, vestium, &
calamistri, ceteraque corporis commoda,
non magnopere curanda
esse.*

Præmittitur Dissertatio prævia,

D E

STUDIO POETICO,

Vi Professionis suæ,

Torvos alumnos requirente.



Dissertatio prævia.

De Studio Poëtico.

Ad

Ponticum Crescentium

Marconam.

Am dudum adverteram, Optime Crescenti, te laude, atque amore Artis Poëticæ capi. Quia indoles, ardēsq̃ cupiditas huc ducunt; idētidē sollicitas, ut experiētiā rerum, & usu instructus, non sinam perire, quæ Iuventuti utilia fore confidas. Sed substringenda esse tua vota tantisper existimo, donec Curriculum Peripateticum confeceris. Si intenderes elicere Juveniles meas Musas; possem fortassis hætenus indulgere. Nihil enim adhuc earum nugarum edidimus in lucem, quibus nugari didicimus. Sin ad Grammaticorum Leges, vel potiùs lites respicis, hortator, ut illorum more præ-



DISSERTATIO

cepta conscribam , numerosa , onerosa , plurima , diversa , distincta ; nihil impetras. Non vacat mihi , post tot emissâ Poëmata , hac ætate declivi , non vacat , inquam , numerare , vel multiplicare Appendices Tertij generis &c. Despau-terij pulverem elementarium lambant , qui volent ; & cum Palæmone , ipsóque Prisciano , vulpinentur , quantum volent. per me licet. Præcepta petis ? Nova , an vetera ? Veteribus abundamus : adjun- gere Nova , non est necesse. Copiosa jam olim , non sine insigni delectu , vel ex sola Societate nostra tradidere Doctissimi Vi-ri ; Iacobus Pontanus , Alexander Dona- tus ; novissimè Iacob. Masenius , per- quàm nitidè. Quid Academicis Prolu- sionibus Famiani Stradæ illustrius ? quid Allocutionibus Vincentij Guinifij pru- dentius ? Vterque ingenium tuum , Poë- tarum mysterijs initiandum excolent. Si subvereris sublimiores pro captu : prio- res adi. admove fugentibus labris illo- rum Promptuaria , faciliùs , atque ube- riùs lactant. Nocet tamen & horum ni- mius haustus. imbribus nimijs vide- mus sterni segetes. Haut aliter immen-
sa præ-

DE STUDIO POETICO.

Tā præceptionum copiâ, velut inundatione quadam, obruuntur adolescentes Discipulorum plantæ. Multi Grammatici magna tempestas: his sine fine: finis sine iudicio: iudicium sine ingenio. Vbi rotundantur syllabæ, nulla unquam malacia Maris animi. *Multi Medici perdiderunt Casarem.* Multi Grammatici Iuventutem.

Nescio etiam, quomodo præceptis tradendis supra modum dediti, in se ipsos peccent. Sibimet obstruuntur, & tamen abortiunt; aut nimis præfidentes, aut nimis anxij. Fiduciâ suâ plus iusto elati, nonnunquam proprios Canones abrogant, tamquam Auctores potestate præditi, quibus jus, fas sit, habenas Pegaso laxare, vel restringere. Atqui sæpe in procursu erramus: & decipiunt nos opiniones nostræ. Non continuò tetigeris scopum sagittâ Phœbi, quem tangi posse monstrabis. nimirum aliud est, arma fabricare; aliud, iisdem strenuè uti posse. quasi etiam hîc valeat illud Senecæ: *Longum iter est per præcepta, breve per exempla.* In anxijs autem hæret regularum, & mille observationum conferta,

DISSERTATIO

si non & supervacanea farrago , suffocans
 sementem lætioris naturæ , Musarúmque
 liberalium indolem. Superstitiosè ser-
 viunt idolis suæ mentis , trepidant ad o-
 mnes umbras , etiam fictorum corpo-
 rum. rixantur cum certis syllabis , atque
 nominibus ; periade ac si in ijs rerum
 cardo verteretur. *Stilla*, an *gutta* in ver-
 sum assumenda sit , dubitant , consulunt ,
 expendunt. quippe cum Sallustio , *Delib-*
erandum est diu , quod statuendum est se-
mel. prius stillæ , guttatq; omnes per cle-
 psydram fluent , quàm statuerint. Hi
 ipsi tamen ceteris in rebus majoris mo-
 menti quandoque incurij , an etiam igna-
 ri ! Quo statu , pereunt vires , & tristi
 marcore flaccescunt. Perit illæ floridæ
 hilaritatis succus , ac quædam genialis u-
 bertas. turbatur vena phanaticis com-
 mentis , & exhauritur antè , quàm fluat :
 vigore , qui ad afflatum numinis debebat
 effundi , per ignobiles Didascalorum de-
 rivationes , jam consumpto : immo non
 sine animi mœrentis supplicio , adhibitis
 siphonibus , carptim veriùs extracto. Ut
 aded , neque hoc titulo , verbosior præ-
 ceptio-

DE STVDIO POETICO.

ceptionum structura sit optabilis. Ego
aliâ te viâ ducam, ausculta.

Plurima in omni Scientiarum , Arti-
ûmque genere , præsertim autem in ad-
discenda , tantóque magis in exercenda
Poësi, qualis Veterum fuit , sacra, solidá-
que , requiruntur ad *Potentiam* , . quam
vocant , *Expeditam* , ut prono nisu in
actum emicet. quorum unum si deficit, ut
cetera suppetant , quemcumque parturias
ingenij foetum , elumbem protruseris.
hic error inobservatus , vel per incuriam
neglectus, multos fefellit ; multos fallit :
quosdam majora viribus suis molientes ,
in ipsis aggressionibus strangulat. Di-
ctum, scriptumque sine invidia hoc , atq;
ambitione esto. examina veritatem lanci
impositam ; & fidem habebis. Quot se
jam Delphos penetrâsse existimant, intrá-
que cortinam Apollinis latitare : & vix
in atrij septis stant , toti adhuc profani.
*Eminus aspicere montem bicipitem , invocare
Lebetrides Deas : Proserpina curi um sequi ,
Furiarum nomina , & mores nôsse , turbare
Avernum , vincire capita Cerberi : ab Ely-
sijs hortis ad superos remigrare ; librare pri-
mi, & secundi Iovis tricuspides : Orientem
A 5 Solem*

DISSERTATIO

Solem adorare, Occidentem commendare Gadibus; Aurora lacrymas detergere, Hesperum substituere fratri: fundere nimbos rosarum, addere nives liliorum: tum verò amplius luxuriare in descriptionibus montium; nemorum, fluminum, locorumque, quæ fabulosus Hydras lambit; incipientium Poëtarum primam tincturam voces. Primordia hæc, sicut requiruntur, ita supponuntur. usurpata placent, sed dignitatem non obtinent, nec punctum ferunt. phaleras ab iusta armatura distinxeris. cristata cassis ornat virum; gladius defendit. Quò tendo? Suprà memorata, comere, non consummare Carmen, instar aromatis adhibenda. pone, abundanter istud inspergi: nondum sapiet omnibus. ubi curiosa, felixque inventio? ubi solers, prudensque dispositio? ubi mascula, castèque florens, sed & continua, nullisque paroxysmis interrupta elocutio?

*Poëtam te, Crescenti, volo, non versificatorem. nam isto hominum genere nihil est vilius. omnes parietes, ipsum pavimentum, quod calcant, extemporali-
bus, & inficetis versiculis gaudent incrustare: (an conspurcare?) Tales vestiunt
muros,*

DE STUDIO PŒTICO.

muros, suspendunt emblemata: ad ravim usque laudant vivos, functosque. imminent tumulis, ac cunis. Rhythmicos dicas pollinctores; circulatorios paranympchos, nuptiales agyrtas, genethliacos chiromantas. ubique declamant recitatores molestissimi. felices se putant, quia veloces: cum velocitatis causa potius inscitia sit, quam gratia. Consideratus. Versificator *sedet*, cupiditas *volat*, animus *pendet*, ingenium *jacet*, inscitia *stat*, versus *currunt*, & *precipitantur* per saxa, tesqua, confraga; infantibus, puerperis, natalibus, thalamis, pijs, impijsque manibus venales pretio, quo præsagia sua vendunt Cingari. Interim nulla dubitandi ratio, mutandive quidquam occurrit; nulla subducendi lineam, delendive causa. odere lituras: quia melius nihil incideret. ergo placentes sibi, sua, & quidem omnia, amant sine competitori, probant sine teste, absolvunt sine iudice. Quamquam & nimis suarum rerum, scrupulosisque osoribus, alterum extremum instat, naufragantis diligentiae non minus periculum: Iuvenibus tamen rarius timendum. Aliqui puerili-

DISSERTATIO

ter solliciti, & abjectè pavidì, ad morosissimum examen conceptuum suorum hærent, tamquam ad scoputum allisi, nec progredi possunt, nec regredi audent. tardat mora: displicet celeritas. nulla trutina satisfacit. semper incubant ovis: pullorum nihil excludunt. Sunt, qui in seipsos proprias vertunt manus, & censoriâ crudelitate transversum acti, quidquid excluderint, jugulant, perduntque. Alij, cupiditate majoris famæ consequendæ, nullum finem inveniunt exornandi simiolum suum: quòque magis excolunt, turpius dedecorant. *Nec temerè, nec timide*, cujusdam Domini peculiaris gnoma est, trahens ortum ex illo vetustiore oraculo: *Virtus est medium vitiorum, & utrinque reductum*. Vide, si placeat, XII. Articulos Agonalibus Heliconijs præfixos, in certamine nostro Poëtico de Vanitate Mundi.

Quæ commemorantur idcirco, non ut propositis difficultatibus deterrere quemquam velimus ab ascensu montis, sed præcipitio, salebrisque ostensis, quâ præmonendo, quâ præcurrendo, securius attolere. Ac vide, quàm nihil dissimulem.

DE STUDIO POETICO.

Item. Ajo , non omnes disciplinas eodem modo se habere , ad capeffendum proprias. fimul atque nonnullas liquidâ cognitione hauferis ; erunt ex integro tuæ. Philosophicas intra triennium adipisci potes. nitidè , copiosè , clarèque adeptus , thefauro fruëris non alieno , fed tuo. Difserens, difputans , aciem præliaris ingenij in omnem partem rotans : dicerisque Philofophus , ab Aristotele Aristotelicus , à Platone Platonius ; non quòd ipfe tales dialogos, atque problemata, velut tui ingenij monimenta pofteritati tradideris ; fed tradita, probèque intellecta , in tui uſum adlegeris. quorum fcita defendis , horum & nomen, famamque sortiris.

Longè in alios anfractus porrigitur juſtæ magnitudinis Poëſis, ideòne ſublimioribus ſcientijs anteferenda ? minimè verò : ſed declaranda , ne tortuoſa ejus indoles ignorata , inhiantium vota deſtituat. Luſtrum , & amplius fortassis inſumes ; luſtrabiſque canoræ Rupis fundamenta , omnium Vett. Poëtarum arcana. *Ilias* , *Aeneis* , *Thebais* ; *Metamorphoſes* , *Pharſalia* in te condita ſint. ſupponam ,

DISSERTATIO

te etiam universâ Mythologiâ , immo encyclopædiâ Poëtica , ceu tunicâ Martis adamantinâ , circumdatum : quamdiu intra metas , sive sphæram intelligentiæ stas, nihil profeceris. optimus Poëtarum interpres , non Poëta vocaberis. Quo nomine Commentatores eruditissimi censebuntur , ante quos mystica Vatum caligo , quasi in meridie posita jacet. cal-
lent versus , illorúmque vim , & ner-
vum, *ut digitos , oculosque suos.* explanant
figmenta tam vivaciter , ac si ipsi finxis-
sent. jube , ut æmulentur ; subducent hu-
meros : abnutabunt. De lauro scribunt,
sed laurum non gestant. præcipiunt alijs ,
quæ ipsi exsequi non valent. Vt Flaccus
ait:

*Funguntur vice cotis, acutum
Reddere qua ferrum valet, exors ipsa secandi.*

Suprà monui , in Philosophum evasuro , philosophiæ ab alijs acceptæ cogni-
tionem sufficere , ad dignitatem nominis
tuendam , sine auctario domestico : quod
a Poëta docti exigunt. Vtteriùs ingenij
exporrigenda vis est , dandúmque speci-
men, an ad illos , quorum decus tibi vin-
dicas , imitatione legitimâ accedas. Ari-
stotelem

DE STUDIO POETICO.

Stotelem legis, intelligis, explanas: Aristotelicus es. Virgilium legis, intelligis, probas: non es propterea Virgilianus, non es *felix Aeneidos* auctor. ejus gloria penes *Maronem* manet; Thebais, etiam penitissimè intellecta, penes *Statium*. Vis in similes statuas adoptari? vis & tu digito monstrari dignus *imagine macrâ*? Eja: cane & tu *pascua, rura, duces*, parili avennâ, æquali fistulâ, respondente tubâ. Exquire tecum, an *Fraternas acies, alternâque regna profanis Decertata odijs, fontèsque evolvere Thebas, Pierius mentis calor incidat*. Conatum omnes laudabunt: successui, tot seculorum decursus, fataliter oppositus reclamabit. Vnde in diversis artibus, atque scientijs hic ancipitis alex jactus? in Philosophia, & Poësi tam enorme discrimen? Nimirum Philosopho, veritatem amanti, novitas interdicitur: à Poëta, figmentis delectante, exposcitur; fidibus, & fidiculis.

Et prodesse volunt, & delectare Poëta.

Aus simul & jucunda, & idonea dicere vita.

Neque simplex novitas poscitur, sed illecebrosa; neque hæc tantùm, sed scitâ dictione, facilique imitandi felicitate, fragran-

DISSERTATIO

grantia Veterum vina redolens , contrarijs quodammodo se intendentibus. Antiquitatis venerandæ ratio semper habenda est , musteâque dictio cratere , ex quo Augustus Cæs. bibit, temperanda. castam latinitatem nisi Pegalides propinent , nullum venustum Carmen exsurgit.

At enim difficultas crescit ex eo : quòd , sicut intra majorum vestigia juberis indulgere tibi ; ita , nisi exerres , tamquam ruptis repagulis , nullus habearis. quid enim ? tua petuntur , non antiqua , nova , inquam : non Virgilij , non Ovidij , non Lucani , non Horatij monumenta. jam olim perlustravi , dicet aliquis. *semper simulare Cupressum !* jam cupiam *de cedro dici*. quâ venâ tuum stillet ingenium ; aperi. Vetustatem indagavi exactissimè. nostrum ævum quid agit ? inventa invenire , cantata canere , raptò vivere ; sit tantæ molis negotium ! Talibus argutans , ante portam crucem statuet , tamquam furtorum reo , & plagiaro plagis digno. Ergo non licebit , inquires , *Claudianum* imitaturò , ex raptæ Proserpinæ quasillo decedentes colligere flores ! phrasès , vis dicere. Sanè licebit. poteris etiam tibi

DE STUDIO POETICO.

tibi circumdare opes, & angues Ruffini, Gildonis aristas, Alarici spolia, laciniam ex purpura Honorij, cristas, quæ in galea Stiliconis steterant. Quin etiam fasciculum ex fascibus irrisi Spadonis conficis? jubar quoque serenissimum splendescet ex Serenæ laudibus. Si tamen præter febriculosos versus à te compositos, quibus similia insperguntur, novi nihil, atque egregij attuleris; frustra te Claudiani pullum vocabis: nullâ donandus statuâ, manebis inglorius. unde originem trahas, cujas, cujusque fortunæ sis; nec Alexandria Aegypti, nec Italia Florentia curabit inquirere. Præter quam, quod *cornicula furtivis nudata coloribus*, risum creat; nihil audere, nihil excogitare posse, nullâ dictione uti, nisi emptâ; extremæ vilitatis est: servilis immo fortis, egentis ingenij, pravi judicij.

Memento, Grajos eodem vocabulo Phœbi Sacerdotem cohonestare, quo Deum: quem *Poëtam* à faciendo, fingendoque vocant. uterque statuit opus foras productum, quod paullò antè in rerum natura non erat: Deus ex nihilo; Poëta ex cerebro. Vnde & *Carmen condere* dicitur,

DISSERTATIO

tur, quo modo Deus *Mundum condidisse*, quem loquendi modum Oratores usurpare verentur. Orationes suas componunt, non condunt. Vides igitur, ex hoc quoque capite, aliquid novi à Poëta expectari. Quòd si defectu naturæ, artis, gratiæ non affert; culpabitur aliena vineta cecidisse: non fecisse versus, sed transplantasse germina peregrina. ex suo horto sumptum sevisse nihil, præter carduū, & fungos. Atqui, objicere potes; *ad imitandum provocamur. Rectè, non nisi lectione Vett. in nostros, usus conversa.* Nec hoc negabitur sed interest, cibum emendatum continuo evomas, adhuc crudum; an, eo in sanguinem verso firmetur, adolescas, vires augeas. haut aliter, lectorum Carminum frustra cum Polyphemo semesa eructes, an, ut alimenta concoquas; impleasque, ex bene digestis, subactisque, Poëticam venam: quâ sectâ generosus sanguis, tuus utique, ebulliat; & Castalius liquor despumet in pateram Apollini offerendam. Hæc assequi ut velimus, ac possimus. facile suggeruntur; non itidem impetrantur. multorum, votum, paucorum est donum, ab Veterum aucto-

DE STUDIO POETICO.

auctoritate non recedere ; ab ijsdem tamen , proprijs inventis , novis loquendi modis, tropis, atque figuris ex vitalicordis fonte manantibus , recedere. At fieri id ipsum posse, docuit *Cl. Claudianus*, auctor clarissimus, quadringentis annis post Aureum seculum , novo Consulari auro, nitidissimè , venustissimèque effulgens. Thebas , Trojam, Pharsaliam peragraverat ; Maronem, Ovidium, Lucanum, Statium evolverat ; haut dubiè in florem sanguinis, & animæ suæ verterat : non tamen apparet, quid Virgilio , quid ceteris debeat. gazam suo labore acquisitam , facundissimè dispensavit, ut propriam. Nec faciliè reperiās segmenta , ex quibus deprendas, accuses , aut velut Veterum perdissequeum despicere possis. Divitijs animosus suis, *prisco non indiget ævo*. Cecinit *Catullus* Epithalamium : cecinit invidendum *Statius* : cecinit & *Claudianus* in nuptijs Honorij, & Mariæ. confer molles numeros , confer ingenium , inventionem, majestatem, lepôres, Decorum : inter hos tres Paris judex dubitet , cui palma debeat. ego ultimo assignarem : *Statio post Virgilium* in omnibus primas.

Ex

DISSERTATIO

Ex his, opinor, intelliges; Poëma novum; rarum, elegans, eruditum sine fastu, expolitum sine fūco, deraſum ſine ſtudio: quódque inter ingenij, judiciique libramentum, ex amœna caligine profundorum ſenſuum eniteſcens cum voluptate conſurgat; rerum unam eſſe difficillimam. quale eſt, quod invitat ad imitandum, anhelantis cœpta fruſtratur; plúſque ſignificat communibus verbis, quàm aliud quodvis ampullantibus promittat. Huc conducet adhibendi ſtyli neceſſaria cognitio, quamvis enim omnium Poëtarum notiã præditus, abundes inſuper copiã verborum exquisitã; ſi tamen ſtylorum vim, ordinem, genium, varietatem, mixturãque neſcias aptare materiæ, rerum naturis, tempori, perſonis, tibi ipſi, tuique, & alterius animi affectibus; inconditum chaos excitabis: ſimilis Citharædo, qui ſe Orpheum profeſſus, ignorat temperare fides.

Adjice jam animum, ſi placet, ad Venuſinam Lyram. Oda Q. Horatij Flacci, uſu jam, & veneratione antiquitatis, ab omnibus doctis receptæ, commendantur à nixore latini ſermonis, à ſalibus, & jocis:

DE STUDIO POETICO.

jocis: obtinuere venustatis non simplicis decus, influſintque auribus, non operosa ſuauitate felices. etiam, cum alliduntur, & cespitant, decorem trahunt à quæſito neglectu. *Sic credere cogimur.* Quotidie, etiam teſtudinis peritiſſimi, perfunctoriâ manu in chordas ruunt, carptimque, quaſi ſomnolenti, percutiunt. An Horatius præ mera otii dulcedine, dedignatus ſe totum ſemper exercere, contentus fuit, petulanti digitorum incurſu, verberare barbitum. an homo ventri, vino, Venerique deditis, non potuit, aut voluit ſufficere ſolertibus citharæ curis! certe nonnunquam tepidiſſimos verſus, more pandiculantis ſub arbore, aut ad *ſplendidiorem vitro Blanduſia fontem*, ſudit. ſeu runc Lalagen ſuam ſobrius, ſive lagenam ebrius aſpexerit: certum eſt, multas Odas privilegio inſignitæ Vetuſtatis honorari. quædam membratim diſiſa, ſi inſpiciantur, nullam admirabilitatem excitant, rejicienda fortæſſis, ſi Neotericus ſcripſiſſet. nunc ſtant ſuo nomine firmata, contrâ ire non licet. Quid igitur ages ſcripturus Odas? Horatiani Carminis
Idea

DISSERTATIO

Idea Divinitatis titulo consecrata est. placuit etiam Nasoni, nasutissimo Vati. clamat ex Ponto;

*Detinuit nostras numerosus Horatius aures:
Dum ferit Ausonia carmina culta lyra.*

Non est amplius liberi arbitrij, seligere, vel aspernari. jus nobis ademit fama nominis, quæq; ab exequijs intenditur, venerationis. Hunc sequi, huic cedere, hunc adorare debebis: huic etiam meliora submittere, imitaberis? nempe ejusdem cimmelia proferes. demptis hellenismis, exhaustis illius supellectilem brevi tempore, etiam parcè vivendo. *Vitreum Proteus pecus egit altos visere montes: Poscas agna: Urget odoribus: Simplex munditijs: Intentata nites: Benignius deprome quadrum: Animaq; magna prodigum Paulum: Brachia cerea: Macerer ignibus: Quintâ parte sui nectaris imbuit: Malm celeri saucius Africo: Pinus silvæ filia nobilis: Imbelli citharâ carmina divides: Quem criminosis-cumq; voles modum, &c. Insani leonis vim stomacho apposuisse nostro: Ignem defendit æstatem capellis: Devia olentis uxores mariti: Hic in reducta valle*
cani-

DE STUDIO POETICO.

canonice: Arcanique fides prodiga, perla-
cidior vitro: Vrit grata protervitas: Et vul-
tus nimium lubricus aspici: Frangere perse-
quor: Recur ulterosum: Natis in usum la-
titiae scyphis: Solutis Gratiae Tonis: Mordet
aqua taciturnus amnis: Quo bruta tellus,
& vaga flumina: Lascivis hederis ambi-
tiosior: Penna metuentem solvi: Umbram
hospitalem: Lympha fugax trepidare rivo:
Fuge suspicari: Iam tibi lividos distingues
Autumnus racemos: Juvenumque prodis
publica cura: Desine mollium tandem que-
relarum: Facili saevitia negat: Plata-
nusque calebs: Myrtus, & omnis copia na-
rium: Dulcem elaborabunt saporem: Nec
tinctus viola pallor amantium: Nec Mau-
ris animum mitior anguibus: Protervo eru-
da marito: Splendide mendax: Loquaces
Lymphae desiliunt: Et cadum Marci memo-
rem duelli: Latè Tyrannus: Perfidum ridens
Venus: Munitaq; adhibe vim sapientiae: Plu-
rima naribus duces thura: Nivens videri,
cetera fulvus: Eurus per Siculas equitavit
undas: Et vitem viduas ducit ad arbores:
Ridet argento domus: Impellunt animae lin-
tea Thracia. Ut ne plura referam: hæc
sunt non tantum aliqua, sed multò pars
maxi-

DISSERTATIO

maxima earum rerum , quas in Flacco Lyrico admiramur. certè in similibus elegantijs infinitus non est. Imitator in eadem si semper impingat , non Horatianus , sed Horatius erit , frustra rescribendus. Si relinquat insulam Cypri , ubi habitavit , & elegantias suxit , maximam partem vetitas : id est , si non eadem chordâ oberret, eamdem, quod ajunt, seram reciprocet, nullus habebitur. Quid igitur facias ? Recedendo , tamquam ab igne , frigebis : accedendo propius , ambures florem castimonix; (quod Heterodoxi non curant : putantque , se jam terrimè , cultissimèque loqui , si sint lascivi :) perdes oleum , & operam. à Latinitate , iisdemque dictionibus, modisq; loquendi Horatianis abstinens; de tuo necessum erit , ut sufficias naturâ , & arte mixtum. Legimus Auctores *juratos in verba Magistri*, qui tantum non perpetuas Parodias recitârunt , sine plausu exceptos.

Sic tecum reputa : Nisi stylum erigas , reptans calcaberis ; petiturus ardua , vel cum Icaro decides , vel supervolantem pauci aspicient. quò alius iveris , minor
propter

DE STUDIO POETICO.

propter distantiam sub visum cades ; ac
 nisi per nubila continuis alludentibus ra-
 dijs intermices ; ignoratus , voluisse latere
 censeberis. vitio obscuritatis damnabunt,
 quamvis ipsi vitio cæcitatis laborent : o-
 culósque Lethæo humore suffusos , Arca-
 dicæ pecudis glaucoma corruerit. in
 quocumque tandem error sit ; Docti, in-
 doctique , quem mente apprehendere de-
 sperant , nec manu multum prehendent.
 Superest media via : *Medio tutissimus ibis.*
 Quomodo tutissimus ? medio iturum ,
 euntémque , qui vis Aristarchus de ponte
 dejiciet ; rediget in ordinem ; coget in tri-
 vium ; despiciet infra subsellia vulgi de-
 pressum. Nam, quid novi lemmatis attu-
 lit , propter quod legi dignus fatigaverat
 prælum ? nil molle , nil facetum , nihil supra
 vulgus ! hic se Vate Lyricum venditet , hymni-
 dicus esuriter , forensis Tuccius ! nam quando
 assurgit ? quando feliciter est audax , pruden-
 ter timidus , fortiter cautus ? quoties festivè
 ludit inopinato subsultu ? quod Flacco tamè
 familiare fuisse constat. Vix hunc Poëtastrum
 agnosco. nunquam mulcet , nunquam terret ;
 nunquam fricat , nunquam delectat , ne ti-
 stillat quidem. At sermone nitet. verba
B. nisi.

DISSERTATIO

nisi ex Horatij sacrario desumpta promere religio est. Respondebit, *repete: jam audiui millies; jam legi centies. expectabam nescio quid! ad repetitam cramben mittor.* Hæ tunc voces erunt. *Ibis tu tamen excusso missus in astra sago.*

Terremus nempe larvis, & fingimus vanos metus! Non habeas fidem meis obtestationibus, nisi, quæ hætenus asserui, ipsius Horatij verbis, quem tu juxta mecum æstimas, luculenter confirmavero. Attende, quæ Pisonibus suis, quos Arte Poëticâ imbuendos susceperat, quæque alibi in Satyris, & Epistolis suis sparsim, instillet. Ad hujus exemplum, & stimulos provocasti; fruire.

Cuperes, non alto clivo, aut præcipiti viâ, sed humiliore semitâ, tutiorêque Parnassum scandere? accipe monitum.

*O major Iuvenum, quamvis & voce paternâ
Fingeris ad rectum, & per te sapi: hoc tibi dictum
Tolle memor. Certis medium, & tolerabile rebus
Rectè concedi. Consultus Iuri, & Astor,
Causidicus mediocri, abest virtute disertè
Messalla, nec scit, quantum Cascellius Aulus:
Sed tamen in pretio est. MEDIOCRIBVS ESSE
POETIS,
NON HOMINES. NON DII, NON CON-
CESSERE COLUMNÆ.*

Promissi

DE STUDIO POETICO.

Promissi monitum, habes oraculum, ore rotundissimo pronuntiatum. Mediocritas tibi, *Marcona*, secundum hunc quidem superanda est: minimum vitanda. vitare autem cupienti, multoque magis egressuro cum laude successus, pluribus annis opus erit, quam Musarum numerus includat. Neque enim semper labori respondet proventus; Poëta exspectationi, exspectatio votis, vota ingenio. hortabuntur amici: fodicabunt gratissimis stimulis, omnia in cœlum efferre parati. pulsabit unus pede, eriget manum, torquebit oculos. tam citò, tam bellè! jurabit parasitus per nonaginta novem patinas: præferet antiquis. *Hæc enim verò est, dicet fabula plausibilis.* Sed de te fabula agetur. Poëta, Ianus bifrons sit, oportet. antè, retròque perspiciat, falsum à vero discernens; futura cum præteritis conferens: interdum deliberans; num vera dixit! num sic vena fluit! num Rupem ascendimus ipsam!

Non cuius homini contingit adire Cœvintum.

Tamet si contigeris Parnassum, quid tum postea? hic mons, instar Fodinæ metaliferæ Suazensis, infrà, supràque confos-

DISSERTATIO

sus, & perfossus est: vix ullā venā reperies intactā. hoc est; quod cruciat Parnassios fossiores. novis inventionibus destituuntur. multa tibi polliceberis, non aureum, sed æruginosum ingenium ostensurus. Pergamus.

Neque enim concludere versum.

Dixeris esse satū. neque si quis scribat, uti nos.

Sermoni propiora, potes hunc esse Poëtam.

Ingenium cui sit, cui mens divinator, òsque

Magna sonaturum; desnomini huius honorem.

Vnde colligas; inscriptionibus, Chronostichis, Anagrammatismis, Epicyclis, Rhombis, cuneis, in quorum figuram, & ordinem, nonnulli principia, finemque metrorum, velut arbores in quincuncem directas, disponunt; Poëtæ decus nequidquam obtineri. Mechanicum, & Circulatorium inventum dixeris. Genialia Lucinæ, funebria Libitinæ in medio relinquuntur. Excandesceri possunt ab ingenijs, & magnum nomen mereri, sed quando?

Difficile est propriè communia dicere: inque

Rectius Iliacum carmen deduci in actus;

Quàm si proferres ignota, indictaque primus.

Quæ propriè dicuntur, nunquam displicent; quia sine ambitione, hanc minùs vita-

DE STUDIO POETICO.

vitabis dicturus communia, vel nitidius, vel altius, quod tamen fieri necesse est; ne sermone pedestri eques laureatus videatur incedere, tunc scilicet omnes equitant, cum Solis equi describendi sunt. his cum Phaëthonte prolapsis, magna Pars Vatum pedibus conficit viam. humilia loquuntur, neque Solis currum decentia. Miser Phaëthon in Eridano fumans absque funebri cultu relinquitur: nulli si Sorores ejus, tuo stantes in littore silva, in subsidium electra conferant. At enim summa Veterum laus fuit, etiam humilia non vulgariter efferre. Apud Virgil. *Ita farier insit. Tunc sic orsa refert.* &c.

Carmen repréndite, quod non

Multa dies, & multa litura coercuit, atque

Perfektum decies non castigavit ad unguem.

Non tam mollia fila sunt croci, non tam subtilia Arachnae, quam ea, quibus delicatum Poëma conficitur. Sic Minerva docuit, poscitque similem telam, qualem multi se arbitrantur texere, quasi de Serum itamine: cum revera saepe tantummodo ex scissis in partes rudentibus horribilis lodix appareat: Poëma nullius

DISSERTATIO

gratiæ, aut illecebræ. verborum quidem
 ampullantium vorticosa conglobatio; sed
 inanis, sine pondere, sine sensu. possu-
 mus etiam inter astra sublimes repere:
 contrà, in terra cœlum tangere. proinde
 ad limam accedendum est: figendus
 unguis in tuberibus metrorum: extin-
 guendæ verrucæ; nisi si quædam relicta,
 decere placitura credatur. quemadmo-
 dum in facie humana, eaque emendatissi-
 ma, nonnunquam relinqui unam, &
 gratiosè nitere videmus.

Pollio Regum

*Fasta canit, pedes ter percussos. forte epos acer,
 Ut nemo Varius ducit. molle, atque facetum
 Virgilio annuerunt gaudentes rure Camæna.*

Genium, vîmque diversorum Vatum ex-
 primit. Amentata metra, ceu inissilia ad
 jactum confecta, tanti non videtur facere.
 Est quidem Epigrammatum venustas, &
 elegantia magna; si in tempore spargan-
 tur. Mirum tamen! Augusti temporibus
 non æstimabantur. Sub Domitiano Mar-
 tialis Coquus ollarem Poësin intendit.
 laudamus omnia: sed tu, *Marcona*, dabis
 operam; ut pharetrâ Apollinis instructus,
 cum Virgiliano *Aenea tres littore cervos*
Cornibus arboreis sternas: non contentus
 spi-

DE STUDIO POETICO.

spiculis Bilbilitano aceto tinctis, cornicula
oculos configere.

Hoc erat, experto frustra Varrone Atacino.

Atque quibusdam alijs, melius quod scribere possem.

Cur Atacinus displicuerit, non explicat.
An majora viribus suis aggressus, desti-
nata consequi non potuit? Vetus illud:
possunt, quia posse videntur. An sufficere
putavit, summa mente conplecti; deses-
deinde superfedit urgere conatum? id ho-
diéque obtinet.

Maxima pars Vatum, pater, & juvenes patre digni.

Decipimur specie recti. brevis esse laboro.

Obscurus fio. scellantem lava, nervi

Deficiunt, animique. professus grandia turget!

Serpit humi, cuius nimium, timidusque procella.

In vitium ducit culpa fuga, si caret arte.

Misera fors scriptorum, omni ævo; sed
maximè Poëtarum, communem loquen-
di modum egredi jubentur; à Commu-
nitate tamen nisi etiam intelligantur, cen-
suris cruciandi despiciatui ducentur.
Quis has tenebras dispellet? obscurissi-
mus mortalium habitat in caligine. ut
Hesperugo nebulas, ut sepia nigrorem
diffundit. Neque verò hæc involucra,
ab recondita, spissâque eruditione inten-
duntur, Animi nox est oculis meis ini-

DISSERTATIO

mica. Auctorem deprehendo obnubilum, vacuitas cerebri, scriptionem tenebris replevit. Et verò Poëma sine claritate; Mundus sine Sole, Sol sine luce est. *Crescenti*, clarescere debes. pauci ex Commentario volunt sapere.

De Art. Poët. Pictoribus, atq. Poëtis.

Quidlibet audendi semper fuit aqua potestas.

Poëtas, & Pictores, multâ similitudine necti, nemo negaverit. Vt dissimilia præteream, etiam extra quidlibet audendi potestatem, in quibus conveniunt, hæc sunt. Vtrique circa simulacra mentis exprimenda occupantur. In Larario Phantasiæ idola fabricant (& hercle nescio, an non aliquando ijs sacrificent, tura ferant, placendi studio.) pigmentis indulgent. Hypotiposes exhibent: hi coloratas, isti sonoras. hi penicillo ludunt, isti plectro. hi oculos pascunt, isti aures. Vtraque Natio topographica, utraque ficci fugiens, amans umbræ, & cortinæ, intra quam pingunt. velamine reducto, tum verò ostentare gaudent opera perfecta. Ante ultimam manum impositam, spectator est fastidio: censor etiam odio, rudis ludibrio. Sed propiora instituto nostro
perfe-

DE STUDIO POETICO.

persequar. Nónne advertimus, jam pueros in ludo, proclivitate nescio-quâ, sine arte, & modo, conari tamen adumbrare leporem, muscam, cervum, canem, asinum? Naturalis propensio manum otiosè ducit. Admoveantur adulti serio penicillo. Ut longo tempore discant, ut omnes vires exserant, ut toto ingenio utantur; quot ex magno numero evadent Titiani, Dureri, Rubenij? Semina Poësis plerisque ingenijs inspersa sunt. produnt argutiùs dicta, sententia vibrans, & subita, cum lepore non quæsito: Versiculus extemporalis, epigramma suavitate philantiæ conditum: Amor hujus studij, metri sonantis: & vel in vernacula voluptas Rhythmi. Quidam tantùm non effusis habenis illuc aguntur, ubi Enthusiasmi habitant. Pulcra spes magnarum Rerum. Post aliquot Olympiades studio Poëtico impensas, ipsimet multi fatebuntur, didicisse se scandere Olympum, sed non Parnassum. Non omnia maturantur. non omnis vena fons est. tota spes plurimorum Adolescentum dehiscit. Destitere: Ajo, vires animi assequi non potuisse. Alterum est. Aliquorum Pi-

DISSERTATIO

Æorum vis ad parva duntaxat se extendit, magnis ostentis impar. in annuli gemma ducit aliquis effigiem, pusillas imagines in charta, ebore, argento, marmore. Ad Rubenianam Statuam, torosam, vivacem, analogice metricam, quasi extantem, ad clamantem colossus trepidat, hæret, stupet. Nec similem pedem efformaverit. Inter argutos verliculos, justumque Poëma, & lauro dignum, magnum discrimen est.

De Art. Poët.

Scribendi rectè, sapere est, principium; & fons.

Ac si diceret; *Virtus est, vitium fugere: & sapientia prima, Stultitiâ caruisse*, Ep. 1. 1. ep. 2.

Nam sine mente ruere in commenta Poëtica; aut jam credere, intra quinquennium, omnia ad fastigium necessaria, possideri; fugientis judicij nota certissima est. quippe qui nec intellexerit comprehendenda: nedum in cumulum collecta comprehenderit. ergo & ingenio opus est, ut ingenium exerceas; & iudicio altero, ut illo utaris.

*Non satis est purum versum perscribere verbum:
Quem si dissolvat, qui vivum stomachetur, eodem
Quo personatus patto pater.* Sat. 1. 1. Sat. 4.

Versus in sua membra fracti, nihilominus

DE STUDIO POETICO.

nīs Poëticam laurum redoleant : quomodo flores in coronam illigati , quamvis stemmate dissoluto , adhuc fragrant. Sunt varij loquendi modi ; qui cuique Carminis genio conveniant , nasuti statim odorantur. Aliter rem Historicus , vel Orator effert ; aliter Poëta. In ipsa Poësi aliter Elegiacus , aliter Satyricus : à se remoti invicem , plerumque non tam sono distantium verborum ; quàm structurâ totius artificij , & fluitantis spiritûs , qui molem agitans , sensa , vitâque insinuat. sed jam passim , instar Andabatarum , promiscuis sævitur instinctibus. cæco furore, tenera, fortia, mollia , dura, Heroica , Lyrica , Elegiaca , Satyrica in eundem alveum rapiuntur.

De Arte Poët.

*Interdum speciosa joci, moratâque rectè
Fabula, nullius Veneri, sine pondere. & arte,
Valdius oblectat populum, meliusque moratur,
Quàm versus inopes rerum, nugæ, canora,*

Ita est. Quot videmus fabulas quotidie dari ab ijs , qui Poësin ne quidem intelligunt : nec absque plausu ; vitio vulgi, cuius tota voluptas stat in sensibus : maxime natat in oculis : in auribus jam vix præter modulatam hæret. Recita Car-

DISSERTATIO

men pulcherrimum. præferetur illi gannitus Cauponis ebrij. stulti clava, clavam Hercules in populari Dramatio superabit. Parasitus, Rusticus titubans, Nuntius mendax primariæ personæ, ceteros Actores obscurant. plauditur comicè. Sapienter dicta Tragœdi prætervolant. Totius Tragœdiæ ad affectum concitandum ingeniosa Inventio, dispositæq; scenæ, sine monstris subsidunt. si Medea exhibenda est; sanguine theatrum cruentet, necesse est; vivis infantibus ante ora Spectatorum laceratis. quidquid reclamet Horatius, cum Euripide, Empedocle, & Sophocle. Vidimus busta: surrexit incendium. tonuerunt fabrefactæ nubes, audivimus fragorem, & sonitus irati Iovis. volârunt ignei alipedes. Neptunus inter septem Phocas tridentem septies movit. Tum enim verò Pluto quatuor equis, flammâs vomentibus, in-
 vectus totam litern diremit. ingens Choragi ingenium! iste Musis operatur; olim hanc dubiè miranda quædam edet in lucem. ita pyrausta & Poëta, unum, idemque nomen, & decus obtinent. Quod stupas, sæpe magni Viri, & qui docti vide-
 ri vo-

DE STUDIO POETICO.

ri volunt, his sumptuosius, & illustribus
nugis (*quæ valdius oblectant populum*)
capti, domum revertuntur. Spectavi-
mus, inquit, mirabilia, & *Docta*: igna-
ri, Agyrtam, an Poëtam spectaverint.

De Arte Poët.

Est voluptatis causâ, sine proxima veris.

Nec quæcumque dolet, poscat sibi fabula credi.

Alibi dixerat: *Ridentem dicere verâ*, quid
vetat? Rectè. lepôres, & Apologos com-
mendaverat. Quisquis à Musis delecta-
menta sequestreat; aceto submersus inter-
eat. Videbis tu tamen multos, familiare
colloquium obvijs hilarare facetijs, atque
fabellis; quippe comes, urbani, eutrape-
lici audire gestientes. eosdem, cùm festi-
vum Poëma pangendum foret, esse fri-
gidissimos mortalium imperiti, & in-
sulsi, ad voluptatem nihil aptè fingere
queunt. adeò & solertia jocandi, jocique
quotidiani dissentiunt.

De Art. Poët.

Omne tulis punctum, qui miscuit utile dulci,

Lectorem delectando, pariterque monendo.

Hic meret ætaliher Sossij: hic & mare transit,

Est langum noto scriptori prorogat ævum.

Amœnitatem ingenij à Poëta omnes pe-
tunt, & amant, secus: labascit & cupidi-

DISSERTATIO

tas lectoris , & auctoris auctoritas. cui bono Poema hirtum , hispidum , asperum , insulsum , morosum , strigosum , re , verbisque , ac sententijs inamabile ? Ex decoro grave , festivum , ac molle , hac præsertim tempora amant. quod lectum delectet , delectando moneat , monendo moveat , movendo cupiditatem lectoris magis accendat. Poëta cantor est. nihil autem inficetius Phonaſco ; qui artificiosè (ut ipse quidem putat ; ut alij , fastidiosè :) corvinâ magis , quàm cygnâ vocum intemperie , per immaniter longos gutturi tractus , contra aurium iudicium pugnat. nempe profitetur artem ! nempe ego illam curem ; quæ tympano sensus horrorem , dentibus stridorem , animo tædium inducit.

Ridetur, chordâ qui semper oberrat eâdem.

Sed quid , si non nisi unam didicerit ferire ! Non cuiusvis est Symphoniam facere pleno choro : omnes barbiti partes explere. Quidquid in præcordijs hæret , congestumque est optimi sanguinis , quidam in unicam Declamationem , vel Oden prodigunt : addant decem ; exsuccī erunt. laurus illorum radice caret , primoribus labris

DE STYDIO POETICO.

labris attigere peregrinæ scatebræ venam :
quæ in proprij nominis fontem , justâ
possessione nondum transijt. etsi in mor-
tario contundas , nihil extundes aliud ,
quàm quod audisti. semper eadem redi-
bunt.

Sic mihi, qui multum cessat, sit Charilus ille.

*Quem tu, tēque bonum cum risu miror, & idem
Indignor.*

Vt vides , non omni laudanti nostra , su-
perbè credendum est. quædam approba-
tio commendantis in speciem speciosa ,
nonnunquam velut unguentum , Aegro
Recitatori , pro medicina adhibetur ; vel
ut stimulus , & calcar ad pergendum , &
meliora tentanda : vel denique , ut Audi-
tor rabie Cantantis fatigatus , congiarium
laudis expectantem , citissimè expediat.
Ecce , Horatius aliquem cum risu mira-
tur, idem tamen tacitè indignans. Quis
jam à rigido cachinno securus erit ? Vt
non metuat Aristarchi virgulam censo-
rum ludibria ? quando jam etiam præco-
nia fallaci palpo subsannant. Sæpe ergo
illud ejusdem Horatij , ante ora , oculós-
que versetur , penitus immo auribus , &
memoriæ impressum. *Ludere qui nescit ,
campe-*

DISSERTATIO

campestribus abstinet armis : Ne spissa risum tollant impune corona. Expende, obsecro : Spissæ, risum, impune. Secundum hæc cavebis ciconiarum crepitantium rostra. infames digitorum micabunt figuræ. Antè, retróque pinsent. nec bifrons Ianus evadat.

*Idcirco ne vager, scribamque licenter ? an omnes
Visuros peccata putem mea ? tutus, & intra
Spem venia cautos. De Art. Poët.*

Quid juvat sibi theatrum struxisse ? Intus suis Musis cecinisse ? cum illis domesticum foedus sancire, velis, nolis, foras prodeundum est. in foro, placeas, an displiceas, exaudies, cogèris dicere.

*Vitavi denique culpam ;
Non laudem merui. Ibid.*

Consonat cum illo, quod in principio posui, non licere Poëtis esse mediocribus. credo, quòd Auditor semper ab ipsis Responsa Deorum expectet. non creduntur habere commercia cum Superis, nisi mortalem egressi modum, etiam tenuissimam rem nobilitent; & infra plebem sita, supra vulgus ferant. *Vitasse culpam*, laudi non est. aliquid laudabiliter conatum esse; nondum est admiranda-

DE STUDIO POETICO.

mirationi. addidisse non nihil miri ; non-
edunt nomen explevit. si invidiosum non
esset , commonstrare exemplis operosum
non foret.

*Sic Animi natum, inventumque Poëma juvandis,
Si paululum summo discessit, vergit ad imum.*

Terribile pronuntiatum ! nam quis
arcus non rumpitur, si nullâ intermissio-
ne intendatur ? Atqui etiam in summis
Poëtis advertitur quædam inconstantia
mentis, inæquales sunt temporum, affe-
ctuum, animorumque vices ; & inde
promanans eloquentiæ jam acclivis, jam
declivis, varietas. equidem ab egregiè
coëptis nunquam remittere, sed ejusdem
Epici, Lyrici ve Carminis, multoque ma-
gis aliquot librorum continuare teno-
rem ; *hic labor, hoc opus est.* De Art. Poët.

Si quid tamen olim

*Scripseris, in Mecij descendat ludicæ aures,
Et patriæ, & nostræ : non umq; prematur in annum,
Membranis intuspositis, delere licebit,
Quod non edideris, nescit vox missa reverti.*

Ætatem latura, nonum in annum pre-
menda monet, more tunc recepto ; si gran-
de opus, dignumque posteritate suscipe-
ret Auctor. Ut malè parta, malè ; ita ci-
tò parta, citò dilabuntur. sed jam dialia
petua-

DISSERTATIO

petuntur ab ijs, qui Musas servire cogunt
 turpissimam servitutem. ad nutum cu-
 jusque succinctæ stare coguntur : arridere
 infanti recens effuso : ejus vagitum sistere;
 quater cymbala. Aliàs obnubere spon-
 sam , formæ maculas eluere , subligare
 flammæum, distinguere attollendas faces.
 Aliàs Hortum principem in areolas di-
 videre; viventia tondere septa; statuere
 juxta floridas pyramides Faunos, Ver-
 tumnum, Cererem, Liberum, virides
 Napæas. Aliàs curare cadavera, justa ex-
 æquialia prosequi, in cenotaphia inanes
 prodigere ingenij sumptus; splendide,
 pieque mentiri. talia exiguntur præpro-
 perè. Felicem Statij furorem, ut hæc pos-
 set, & vellet; propria voluptas, amico-
 rumque inunctæ preces adegerunt. Quid
 facias? canendum est. raptim petita; ra-
 ptim da, securus famæ. quis talia curat?
 si non potes figere cupressum; fige ta-
 xum. inopiam palmarum pensabit quæ-
 vis salix. De lauro nil cogites, nil spe-
 res.

*Et quodcumq; semel chartis ille veris, omnes
 Gestiet à furno redeuntes scire, lacuq;*

Et pueros, & anus.

Sat. l. 1. Sat. 4.

Quidquid effuderint, projecerintve, æ-
 ternâ

DE STUDIO POETICO.

tetnâ memoriâ dignum putant. obſiſtas? crederet aliquis horum, te laudis æmulum, præripere decus velle: nunc timere, ne alter in æqualitatem nominis ſuccreſcat. Ad ultimum, convictus argumentis, ingeſto quoque in oculos probro, vocem illius Avari emittet: *Populus me ſibilat. aſt mihi plando ipſe domi.* Horat. Hæc dicens ſua baſiabit encomia: quâſque chartas cruciare debuerat, murice tinctas Orchæſtræ præfiget. Quod ſi pium aliquid compeſuerit, à profano cultu abhorrens; tantò magis intumeſcet: quippe ſe, ſuâque pietatis titulo ſolabitur: ſpecie Religionis exornari, præferrique volet. quaſi verò non & in Cœlitibus colendis poſſimus eſſe ſocordes, ac barbari.

Epiſt. I. 2. Ep. 1.

*Navem agere ignarus navis timet: abrotonum agro,
Non audet, niſi qui diaicit. dare. quod Medicorū eſt.
Promittunt Medici: tractant fabrilis fabri.
Scribimus indocti, doctique Poëmata paſſim.*

Habes in compendio ſparſim dicta. Quot Cæſarei, quot laureati Poëtæ monſtrantur, rectius carduis, & lappâ coronandi, titulos ſine re crepant.

*Multi Thyrfigeri: quotus eſt ex agmine Bacchus?
Multi Laurigeri: quotus eſt niſi nomine Phæbus?*

Febri-

DISSERTATIO

Febriculosis gratulationibus, & proluvie miserandâ versuum scatent libri: sub finem inficetæ adulationis, Auctoris nomen. H. I. K. pastor ad S. Annam, Poëta Cæs. Laureatus, melius poneretur; *Larvatus*. Itaque tu, *Crescenti*, non patieris hoc fermento te corrumpi. Fescennina, præsertim à Veneris flamma fumantia; gnomas vulgi morem, vel stabulum olentes, talibus relinque proferendas. Tu cum principe Poëtarum dicas: *Majus opus moveo*. Cum Cæs. Augusti, & Mecænatis Amico: *Exegi monumentum ære perennius: cum Sulmonensi Vate: Iamque opus exegi, quod nec Iovis ira, nec ignes, nec ferrum poterit, nec edax abolere Vetustas.*

Epist. l. 2. Ep. 2.

*Ridentur, mala qui componant carmina: verùm
Gaudent feribentes, & se venerantur, & ultro,
Staccus, laudant, quidquid scripsere, beati.*

Si deinde primùm voces acclamantium, sæpe plus justo extollentium accedant, quæ vera, quæ falsa narrando; magnificè intumescunt: ac vi dulcissimi hujus morbi penè linquuntur animo. Morbi, inquam; nam venenatior bolus non est, quàm fraudulentum præconium: illo hausto;

DE STUDIO POETICO.

Haurito, penitusque in præcordia recepto,
immodici aestimatores sui, ita sibi satis-
faciunt, ut semper faciant satis: intractabi-
lem animum etiam amicis monitoribus
præbent, ut, si saxa spuant, loquantur
silices; gemmarum loco ducant. Summa
intemperies, sed suavis: si revoces a deli-
rijs, sentiantque errorem; dicent, quod
ille ingesto helleboro curatus, quum ad
se rediret: *Pot me occidistis amici*. Cur ex-
citastis à veterno? mente captus nesciebam
ærumnas meas.

*At, qui legitimum cupiet fecisse Poëma,
Cum tabula animum Censorii sumet honesti.
Audebit, quacumque parum splendoris habebunt,
Et sine pondere erunt, & honore indigna feruntur,
Verba movere loco, quamvis invita recedant.*

Sapientius utique, verax, & artis callens
Criticus, honori nostro prospecturus,
etiam Attico talento emetur: rogabitur,
ut serius esse velit, ac quàm minimum
parcere. Si rogatus dixerit: *Sape stylum
vertas, iterum, quæ digna legi sint, Scriptu-
rus; neque, te ut miretur turba, labores,
Contentus paucis Lectoribus: an tua demens
Vilibus in ludis dictari carmina malis.* Satyr.

I. I. SAT. IO. Tali crede vel non juranti,
Tuam famam, gloriamque cordi habet:

invi-

DISSERTATIO

invitato eo ad convivium, adlecto inter primæ admissionis amicos, decorè feceris. Nullo simili reperto, eja, tute Critici personam indue. Succensere tibi, & reconciliari potes.

*Nunc satum est dixisse: Ego mira Poëmata pango.
Occupet extremum scabies; mihi turpe relinqui est;
Et quod non didici, sanè nescire fateri.*

Talis, non expectato Flamine, sibi Aram struit, sibi sacrificat, sibi tus adolet. simul idolum, & popa. Ac si quis sibi dicat: *tibi aras, tibi occas, tibi seris, tibi eidem & metis.* Omnino, quisquis es, philautiâ capte; aras fundum arenosum; occas glebani infrugiferam; seris stultitiam: metes ignominiam. ubi sunt mira Poëmata, quæ pangis? Simioli affabilis affaniæ Apulejanæ. *Iudo in affanijs.* Epist. l. 2. Ep. 2.

*Paupertas impulit audax,
Ut versus facerem. sed, quod non desit, habentem;
Quæ poterunt unquam satum expurgare cicuta,
Nis melius dormire pusem, quam scribere versus?*

Subscribo. Si, qui sui juris est, & opulentus, versûsque factitet, non cogente naturâ, non suadente penuriâ; sed opinione sui deceptus, & præposterâ cupiditate mordendi qualemcumque laurum, veluti feminæ picâ laborantes: eaque propter

DE STUDIO POETICO.

pter laborioso stylo jam lenonibus serviat, jam vespillonibus: mox *segmentaris ubi dormit parvula cunis*, somnum conciliet: aut si quod generosum pus, inciso brachio exit; phlebotomiâ faciat mendacijs splendere. Hunc enim verò cum vivo Marsya laniato, jubeam postibus Cyrrhæ suffigi. quæ enim necessitas coëgit spontè insanire? Cur famelicis ingenijs pabulum præripit. Epist. l. i. Ep. 4.

Fecundi calices quem non fecere disertum;

Contracta quem non in paupertate solutum!

Quid dissimulamus? Fabula est Pegasus, & fons ictu pedis excitatus. Divinus humor ex vite, non ex ungue, fluit. excitat vinum spiritus, tunc liberiùs meantes, cum in venis geminavit calorem. Sed an Vates, non nisi potus? Nempe sicut Bessus miles, qui Alexandrum M. non nisi super mensa debellavit, nimis sicca ingenij vena est, quæ irriguo Bacchi semper indiget. Epist. l. i. Ep. 19.

Nulla placere diu, nec vivere carmina possunt,

Quæ scribuntur aqua potoribus.

Stat Oraculum immobile. Contra hoc euntem, vel disputantem, Academicis fustibus Aristotelicè agendum est. Tam n
& Cy-

DISSERTATIO I

& Cygni, inquit, Poëtarum famosissimæ: aves in aqua degunt. ideo non nisi morientes cantant. *Si post fata venit gloria, non propero.*

Vina ferè dulces oluerunt manè Camana;

Cur manè? Horatio quæcumque sitis diem, & cadum aperuit: idem illi fons laticis, & laticis è cælo. *Siccis omni dura Deus proposuit.* inquit alibi. Confirmat Iuvenalis: *Satur est, cum clamat Horatius, ohe!!* Itaque, qui necessitatem scribendi carminis alteri infert, additâ sitientis abstinentiæ lege: hunc ipsum ego dignum censeam, qui vitibus lupulisque proximè admotus, pœnas Tantali renovet: immo inculeum insutus super stagnum Caballinum projiciatur: ut inter aquas degat, nec tamen etiam has bibat.

Ennius ipse pater, nunquam nisi potus ad arma.

Profiluit dicenda. forum, putealq, Libonis

Mandabo siccu; adimam cantare severu..

Decisa lis est, Flacco Iudice. *Nunc est bibendum: nunc pede libero pulsanda tellus.* Ennius ipse bibit: quid igitur? Ut bellâ famâ constant, sic carmina vino!! Neutiquam. Quidam ex Hippocrène bibunt, sicut canes è Nilo: ex Bacchi dolio, sicut Afri

DE STUDIO POETICO.

frī serpentes ex fluvio. Ceterū multi ,
licet musto, temeto, zytho obruas , ma-
nebunt pumices. Cor non saliet , Vena
non fluēt nihil ex ebriosa premes spon-
gia præter vappam' inconditorum ver-
suum. tales erunt Pegasi ad pabulum ,
asini ad lyram. De Art. Poët.

Qui studet optatam cursu contingere metam.

Multa talit, fecitque puer, sudavit, & alfit.

Abstinnit Venere, & vino, qui Pythia cantat

Tibicen: didicit prius, extimuitq; magistrum.

Labor commendatur, & sub perito Ma-
gistro constantia, jam se sudasse putant,
si desultorio gradu Heliconis proscenia lu-
dibundi percurrerint. unum, alterumve
Poëtam salutârunt à limine, bis, terve ex
pulpito declamatum est. Aliquot acutè
dictis distrinxere aures; Dramatijs ge-
neris Epicœni, oculos: omnia promiscuè
adhibentes. quippe in Comicis Tragicè,
in Tragicis Comicè versari soliti, Trage-
laphos, seu Hircocervos, ne monstra spe-
ctaculo defint, venantur. illorum hinc
tota Poësis pendet. Vah! Sat. l. 2. Sat. 3.

Vitanda est improba Syren

Desidia: aut quidquid vitæ meliore parâssi.

Ponendum æquo animo.

Audis iteratò: Desidiam vitandam esse:
diu, noctūque operi insistendum. Hinc

C

mana-

DISSERTATIO

manavit illud Ciceronianum *Elucubrare* :
 Aliquid ad nocturnum lumen conficere.
 Non es ferventioris , aut felicioris ingenij
 Papinio Statio , exclamante tamen palam :
O mihi bis senos multum vigilata per annos Thebai. Tibi dormienti , sive
 oscitanti excident oracula in pelvim !
 somniare in bicipiti Parnasso , est cū Persio
vigilare , qui Poëta , non immeritò creditur ,
 omnia sua noctu composuisse : quippe
 fumosa , & luce carentia. Sat. l. i. Sat. 4.

*Garrulus, atque piger scribendi ferre laborem,
 Scribendi recte: nam ut multum, nil moror.*

Advertis, *Crescenti*, Rectè scribendi studium,
 laborem dici. Atqui Juvenes nostri,
 voluptatis gratiâ captandæ calamum
 scindunt. tum desides inflant eundem ,
 quo scribunt. Non audent fortiter imperare
 sibi , ut sint strenui : magnis promissis ,
 magnâque expectatione modicè contenti ,
 laudem ex pigritia quærunt : nonnunquam
 & commodum experiuntur. Atqui , *Carmina secessum scribentis* ,
 & *otia quærunt*. Sanè Retine vocabula ,
 & accipe sensum. Secessus Poëtarum ,
 vocatur tranquilla libertas animi ; Otium ,
 studium nullâ ingrati laboris acerbitate

DE STUDIO POETICO.

Vitæ corruptum: Ejus somnia sunt do-
ctæ excubiæ; impetus, vehemens indu-
stria; furor, agilitas mentis: De Art. Poët.

Quintilio si quid recitares; corrige, sodes,

Hoc, ajebat, & hoc. melius te posse negares.

Si, tæque expertum frustra; delere jubebat,

Et malè tornatos incendi reddere versus.

Si defendere delictum, quam vertere mallet;

Nullum ultra verbum, aut operam sumebat inanem:

Quin sine rivali, tæque, & tua solus amares:

Quintilius iste, omni honore dignissi-
mus erat; simplex veritatis assertor. *Hoc,*
ajebat, & hoc. plena quidem calamis the-
ca. Sed, *Estne aliquid, quò tendis, & in quo*
dirigis arcum? Poëta figuli officium quo-
dāmodo occupat; vasorum æquè, &
imaginum artifex; monendus quando-
que, ne à proposito aberret, massāque
corrumpat; Alioqui inclamabitur: *Am-*
phora cæpit. Institui: currente rotâ, cur ur-
ceus exit? promiserat Vates Cothurnum:
inducit Soccus. Expectabamus Odas:
missi sunt hymni, minimè Pindarici. in-
terrogavimus de cæpis: respondit allia.

Vir bonus, & prudens versus reprehendit inertes:

Culpabit duros: in comitiis allinet atrum

Transverso calamo signum: ambitiosa recidet

Ornamenta: parum claræ lucem dare coges.

Arguet ambigüe dictum: mutanda notabit:

Eiet Aristarchus; nec dicet, cur ego amicum:

DISSERTATIO

*Offendam in nugis. ha nuga seria ducent
In mala, derisum semel, exceptumq; finistrè.*

Quippe ni ? præcoces fructus non durant.
Nactus Iuvenis delicatus Adulatorem,
sive Sycphantam, nihil audiet eorum,
quæ Horat. audiri vult, Criticè, & Stoicè.
Sed: certè egregiè. *pulcra Declamatio.* *Iste*
puer non illepidos finxit vultus. *Alter quo-*
que pusio, flore verecundia commendabilis,
quàm gratiosè oculis nostris illuxit ! Hæc
ille, tam callidus censor, quàm crepida
penicilli. Interea alterius surgunt animi :
fluctuat fastus: procellæ verberant pectus.
Simul detumuit tempestas assentatoria ;
naufraga Poësis illisa in scopulos, vellit
herbas, esurit : hæc sunt seria mala.

Vt mala quem scabies, aut morbus regius urget,
Aut fanaticus error, & iracunda Diana:
Vesanum tetigisse timent, fugientq; Poëtam.

Quis talem non vitet ? iracunda Diana
Actæonem in canes misit, cervo muta-
tum. quasi verò irata Pallas aliquem o-
diosum non possit commutare in asinum:
ut æquè *Det spatium collo, summâsque ca-*
cuminet aures. Importunus Recitator, pla-
gâ Gentis Cadmææ tenetur, vel tenet. Ob-
secro : num sapit jam aureus sibi visus
Mida, mox acutus. Atqui talis expor-
rigit

DE STUDIO POETICO.

rigit inscius aures pyramidales. *Nam Indoctum, doctumque fugat Recitator acerbus. Quem verò arripuit, tenet, occiditque legendo.* & Horat. de Art. Poët.

Tu nihil invitâ dicas facièsve Minervâ.

Sed illate invito minus. Cum hiscente hiscet: cessante te, & ipsa cessabit. manum exserenti commodabit adjuvices manus: imitaturò Demosthenem, subministrabit oleum. Accurso ignaviam implorantium præcepta; querentium sibi deesse subsidia, cum circumfluant. *Quid statis otiosi?* incumbite in libros, non proni, sed recti; non cubito, sed capite; sic quidem, ut supinum instantes excubias continuet. defraudentur somni; relegantur oracula, mandentur memoriæ: quotidianæ exercitationes se trudent. tunc intelligam primum, quid talibus auspicijs Posteritati promittere possitis. Nunc videas, inertes stare ad marginem Castalij fontis; *expectare motum aquæ*, nescio, in cujus paralytici gratiam, ab incognitæ lucis Angelo commovendæ. Cur non etiam supplices, *sed manibus post terga revinctis*, (quandoquidem operari nolunt.) expectant.

DISSERTATIO

stant sonum spiritus vehementis, ab æthere Heliconio, ruituri in animos patientes alieni laboris! Notum illud: *Est Deus in nobis. & Spiritus ætheris.*

Et Horat. Epist. l. 1. ep. 3.

Quid si, Frigida curarum fomenta relinquere possor.

Quò te cælestis sapientia duceret, ires.

Hinc illa lacrymæ! Multi omnia alia agunt, quàm agenda. permiscentur tempora, & studia, sine ordine, & modo. referuntur pleraque ad voluptatis gustum: quàm modicè delibatâ, deferitur totus apparatus. succedunt inutiles curæ, quibus incuriosè vagæ Animulæ distrahuntur. flagrant cupiditate videndarum rerum extra conspectum jacentium: Novarum urit sitis, anguntur desiderijs, quæ ignari alunt. ita fluctuantibus obrepit languor: terror quoque, quoties ostensi Montis apices, semitâsque petrosas intuentur! Epist. l. 2. ep. 1.

Interdum vulgus rectum videt: est, ubi peccat;

Si Veteres ita miratur, laudâtq; Poëtæ,

Vt nihil anteferat, nihil illis comparet: errat.

Hîc tandem se aperiunt Horatiani soles. Prærogativa non solum Veterum, & Romanorum, & Augustæorum fuit, bene scribere vorsâ, prosâque: & novis Ingenijs

DE STUDIO POETICO.

nijs patet campus, quod manifestissimum, nostro ævo, fecit Io. Barclajus, *Romam Romano qui docet ore loqui*. Quid illi deest, nisi ætas comparata? immo quid illi non adest, nisi comparanda? Ejus Argenis, etiam provocare potest. Si nihil ex æquo dissimulare volumus, multos vincit. quo stimulo Iuventus usa, quid obstat, quò minùs ad eadem se extendat.

Sat. I. 1. Sat. 10.

*Si foret hac nostrum fato dilatus in ævum;
Detereret sibi multa: recideret omne, quod ultra
Perfectum traheretur; & in versa faciendo
Sape caput scaberet, vivos & voderet ungues.*

Altius memini annotatum, nos multa Veterum monumenta mirari, qui in hac regressi tempora fortasse mirarentur & nostra. Nunquam tam malè cum rebus humanis agitur, ut omnium felicitatum cumulus, in unum, alterumve seculum stipetur, cunctis sequentibus præteritis. vocetur à Priscis aureum, Argenteumve Eloquentiæ Seculum: nostrum ferreum. Numina non mutant rerum naturas. potest hodièque, ex vena, stricturisque ingeniorum, nobilius metallum protrudi. proinde nepotibus non desperandum est, sed ex Choro Laconico iterandum: *Quod*

DISSERTATIO

sumus, fuistis. Quod estis, erimus. Horatius antecedentes se correcturus erat: num statim & subsequentes omnino omnes? semper quædam, temporum decursu, digniùs maturantur. *Et honos erit huic quoque pomo*, inquit ille Mantuanus Pastor. Qui labori non parcit, idem repetat. Sint antiquitatis mala punica, Cydonia, aurea: *& honos erit huic quoque pomo*; quo tamen nullam Cydippen, Ovidiani Acontij more, deludam.

Epist. l. i. ep. i.

Nemo adeò ferus est, ut non mitescere possit,

Si modò cultura patientem commodet aurem.

Præmoneo: nec culturam, nec exercitationem ad ætatis extrema differat. Poësis calore fovetur. Hyeme nil crescit. quid sterilis senectus, præter pauca fortassis Epitaphia proferret? Canis capitibus *Cum nix alta jacet; glaciem cum flumina trudent* (permittle huc illud Maronianum applicari) intra venarum ripas, pigri cruoris coagulum; marcent, vel jam diffugerunt negotiosi spiritus. quid igitur dignum fatidico pectore, frigidus Chremes eluctabitur! Ut meritò in Lyr. nostris l. i. Od. 4. Seni cantum dissuasimus frustra Hellenismos citabit, quos olim usur-

pave-

DE STUDIO POETICO.

paverat : frustra elegantias Athenarum : quando jam madentis infantia nasi redijt, reliquias Græciæ decedentis signans: *Omēga cū Iota subscripto*, hoc est, stilla pendens ex naribus, admonet totā priorē sagacitatē esse emundam. De Art. Poët.

*Format enim natura prius nos intus ad omnem
Fortunarum habitum. juvat, aut impellit ad iram,
Aut ad humum mærore gravi deducit, & angit;
Pest effert animi motus interprete lingua.*

Naturæ, propter ejusdem conditorem, plurimum tribuimus. Ceterū *nascantur Poëtæ, an fiant*, quamquam & Horatius sententiam suam dixit, nos quoque Quæstionem in hac ipsa Parænesi decidimus, paullo prolixius. num. 24.

Illud fortasse tibi restat inquirendum, cupienti scire, quæ habitudo Corporis, ex quatuor Humorū genitali permissione, Prædominantis sortita nomen, ac vires, Philosophicæ, atque Poëticæ facultati sit magis idonea. Nulla non ad sanctimoniâ cœlestis vitæ pertingere potest: à Phœbi Aris aliquam arcebimus! Sed quid communiter fiat, rogas? Dicam, quod sentio.

Phlegmaticos toto abstinere luco jubeo. rarissimè vittas, laurūque contingunt.

DISSERTATIO

Non innatat pituitæ ætherius calor , opifex magnarum rerum. ut proinde desperata habeatur in excellentibus literis horum gloria.

Sed enim *Sanguinei*, quorum juvenis copia sanguinis juveniliter , & exultim vibrat ; gratâ , amœnâque temperiè fruuntur. percurrit faciem ingenuus rubor, specioso illectu; malæ florentes. oculorum fulgor jam pudibundus , mox volubilis. ipsi verò toti sociabiles , jucundi, alacres , faceti in lætitiâ , & carmina se diffundunt. sed non diu durant, nihil arduum, perenne, laboriosum molliuntur. Quædam ingenia semper scintillant: nunquam micant constanti luce. Quod delectat, carptim diripiunt, Poëmati operoso minimè suffecturi. unum, alterumve epithalamium , molles aliquot elegias; Monosticha partim arguta , partim obtusa ; aliâque erotica amicis dividunt : quomodo in nuptijs Thalæsius nuces spargit.

Cholericorum alius genius, diversus habitus. Animosi sunt , ac celeres; quippe præfervidi nativo calore : qui tamen , nisi benignâ irrigatione mitigetur , torrentior urit

DE STUDIO POETICO.

urit viscera , inducit exsuccam gracilitatem : faciem reddit gilvam : lumina magna , ac sub fronte plerumque recondita , errantibus flammis exasperat. capiti minatur procellas , & turbines. Horum aliquis maxima audebit , præsumetque. quæ tamen velocissimè assequi , & subigere non valebit : omittet etiam in medio cursu : quia cæstrum repente desierit. fatiscunt ardentium lassæ vires , sicut modicum aquæ videmus incensæ tegulæ affusum momento in fumum dissipari.

Optimum fuerit , si utrumque humorem , rubrum , & flavum , sanguineum , & biliosum , sinu suo *Melancholia* recipiat. Non illam intelligas velim , quæ Divis , hominibûsque odiosa , speciem morbi præbet , & quandoque *mortem operatur* : ultima Naturæ deficientis sedes , & fæx. hominem omnium amœnitatum vitali gustu privat , bonæq; mentis exsortem , in teterrimam sui solitudinem relegat : non rarò , ut dixi , illatibilis , & lethi causa ; mania periculum secum trahens. ab atrabile accenditur , ferali busto in fontem fumum desinente : quo deinde , velut spissis nubibus , obductum caput , nullo un-

DISSERTATIO

quam ferenatur tempore. Signa sunt, continua tempestas animi, semper decumanos fluctus metuentis: frons in moerorem crudissimum contumax: color à plaga cœli, in qua degit, nimium quantum divertens: puta, in frigida nigrior, & Memnonio suppar; contrà sub Zona torrida ruffus. præterea vultus magnam partem fideratus; *Vixque tenens lacrymas, quod nil lacrymabile cernat.* Aut nullus, aut Sardonicus risus, ipsâ oris diductione præsentem affligens. Cùm gaudere volunt; lucent instar Cometæ: cùm florere; florent, sicut *folijs oleaster amarus.* Intus autem Caci spelunca. omnis generis fuliginosæ suspiciones, velut semesa frustra in cerebro, & verò etiam de cerebro jacent. vivitur in tali hospitio ex cœnomia; muscis prægrandibus: volant, revolantque cæsum, ac punctim ferientes. Pectus fit denique Pelopeja Culina, Ahe-num Atrei: in quo sanguis etiam frater-nus coqui possit. Quis non exclamet? *Dij talem terris avertite pestem!*

Est & altera Melancholiæ species, haut paullo melior; depressi tamen & ipsa, limosique humoris, infra ceteros, restagnatio,

DE STUDIO POETICO.

gnatio. Absque lue, naturali situ; & modo, citra noxiam intemperiem subternitur. neque circa horrendorum phantasmatum examen occupata est; sed merore pascitur subridente. non audax, non dissolutè hilaris, non lasciva, non adulatoriè blanda, non desperatè filens, non cum infano fremitu erumpens, suo succo vivit; nullius indiga, nullius contemptrix. Ad aulam non nata, nec Aulæ fugiens, nec appetens, diem die trudit. casam, & palatium juxtà habet. hæc sibi scenam facere novit: intérque nimbos, lucidâ caligine radiat. Hanc Melancholiam ajunt, celebris Eutrapeliæ Matrem esse. quis crederet? nisi, quia à Filia, latisque Sororibus Gratijs non ablu- dit, servire tamen nescia suam voluntatem, suæ libertatis decretum pro imperio jocandi exspectat. Quo more, fac- tiarum, lepôrumque, ac gravissimorum Poëmatum, nec non omnium scientia- rum parens, & alrix dici meruit. Ne vigor exsultans sanguinis, in eoque laten- tium spirituum in auras, per mera gau- dia, diffletur, cavet; cholerámque suas- met vires depascentem temperat. nego- tiosas

DISSERTATIO

virosas autem mentis imagines, magnorum operum effectrices, suscipit tenaci humore, viscosoque complexu foveret, macerat, excoquit; demum pulcerrimè elaboratas auctori, qui trans miserat, in tempore remittit: unde Poëma conficitur; quale nec solo sanguine luxurians, nec acerrimâ inflammatus irâ, unquam in medium dabit. Haut absimili Melancholiâ præditum fuisse accepimus Angelinum Gazæum, ipsissimum Auctorem Piorum Hilarium: ut publicæ professionis titulum statim intelligas. idem morosus, ac lætus; dulcis, & acidus; facundus, & taciturnus; comis, & acer; jucundus, & torvus fuit. ita perhibent viri fide dignissimi. Gustatis ejus salibus, dicendum est aliquid Samsonicum. *De torvo exijt Hilaritas, & de amaro egressa est dulcedo.*

Tales, Orbe toto, plures maximi Nominis viros, plerosque Philosophos, ac Poëtas, cum temperamento Melancholico torvos fuisse contendo: hodièque vix alios reperiri. In hunc finem integræ Parænesis proponitur, *Vultuosa Torvitatis Encomium*, Juventuti ad ardua tendenti, festivè insinuans,
 Ad

DE STUDIO POETICO.

Ad militiamne respexi quidem. Quis enim dubitet inter præcipua bellatoris ornamenta, si quidem ab externa specie corporis sumuntur, esse masculam Torvitatem, *narēque pilosas, Et formidandum laxata in casside vultum.* Quisquis molliorem in illo venustatem requirit; dignus est Narcissi formā, & fato plecti.

Torva viri facies, torvus in ore decor.

Innumeris Ducibus, quos nominare possem, prætermittis; Ovidianus Ajax

Sigeia torvus

Littora respexit, classēque in littore, vultus.

Si Thracia torvitas Militibus non est de-decori, nec Stoica, opinor, Philosophis; nec Delphica Poëtis probro erit. Modò tamen non omnia ad vultum aspectabilem referas; sed multò magis ad internam faciem, rigoremque animi abhorrentis à luxu voluptatum, muliebribus munditijs, effeminatis moribus, enervi molitudine. Ista præsens Parænesis culpat. curjus Oeconomiam, membratim distinctam, quò sensum melius, atque commodius assequaris, in fine positam reperies.

Quòd si nihilominus, his perceptis, Argumen-

DISSERTATIO

gumentum Scriptionis nostræ , prorsus heteroclitum videbitur , paradoxum , & communi sensu alienum : laudari torvam faciem ! cur non apertam deformitatem ! cur non vitia ? cur non monstra !

*Talia jactanti stridens Aquilens procella
Velum adversa ferit.*

Sed omissio Marone , sic respondeo. Suprà commendavi Novitatem , velut alteram Animam Poëtæ. Disce ergo, *Crescenti*, circa insolens , novumque Thema facundè versari posse, disce ad paradoxa tamquam ad palum exerceri, disce ludicrà velitatione proludere majoribus Fastis, disce per umbratica bellorum simulacra , scribendo, ad seria arma , ad Iliacas acies , & Pharsaliam Lucani te præparare.

Requiris stylū ? vergit in Satyricū. Novū crimē ! nova accusatio ! semper in Satyras ruere ! criminari , convitiis torrentes infundere ! Aut loquitur , aut scribit, aut somniat Satyrica ! *ehodum* , bone vir , quid ais ? inquit apud Terentium non nemo, etiam Satyras somnio ! ut hoc, atque utinam ex vero possim, concedam. Siquidem Poëtis somnare, in vigiliarum decus computatur : nulla me tibi propterea

rea

DE STVDIO POETICO.

rea sentio verecundiâ obstrictum. Sed alij conqueruntur. quidcuro gemit⁹ turturū? Cum torvis alitibus mihi negotiū est. albulos columbulos Catulli haut moror. Murmurent alij. sine, obsecro: murmurent. Clamor Momorum, classicum est Poëtarum. non moventur istis sonoribus, nisi ad arma, & novas Satyras. Has, ut intelligo, aliqui rudes, & famosos libellos, eâdem æstimatione expendunt. digni censurâ suâ ridiculi censores. est enim sive inscitia, sive calumnia vulgi, haut vulgaris. Tu, Marcona, si sapias, vitabis hosce *manifestos*, *Declaratōsque Ignorantes*; quo supplicij genere nullum acerbius, atrociūsve, à Francisci Petrarchæ temporibus, in Parnasso statuerunt Docti. Scilicet, Religiosi, iique doctissimi Viri, ut Clarissimos taceam, præcepta tradidissent scribendi Satyras; si existimâssent, hoc scribendi genus, detrimento esse bonis moribus, aut injuriosè flagitia proterere. Procul Pafquini, procul Marforij; & quidquid ex indigno famam innocentium lædit.

Non nescio, multos simplices, indoctōsque, vel afflatu Satyrici Nominis offendi.

DISSERTATIO

fendi. cùm auditur, contremiscunt; ac si
boa serpens, cognatum capiti cymbalum
quassaret, perterriti ad reptantis Satyræ
fibila. Anguem putas; Anguilla est: lu-
brica elabenti, optima epulanti. Apage
diras, & malè feriatas Columnarum In-
scriptiones, in maximis Urbibus frequen-
tes; & vel Sartoribus, ac Cerdonibus usi-
tatas. Nihil cum his commune habet,
animosi, robustique Carminis genus, Sa-
tyra; ac, quale quidem Iun. Iuvenalis
confectatur, si quid experto credis, pro-
piùs summo. hinc est, quòd post Lyrica
nostra, quando & Flaccus Lyricen, per
intervalla, stylo Lucilij, *circum præcordia*
lufit, tantò libentiùs, ut ne dicam, hone-
stiùs amplexi simus. Quæ enim volu-
ptas in vili humilium metrorum tritura!
qualis quotidianis postulantium usibus,
& declamatorijs crepundijs impenditur.

An malles, & nostros Elegos absolvi?
dabitur opera, simul destinata expedive-
ro, ea quoque de gratia: Ne solos se O-
vidianos putent, qui neque Lyrici, ne-
que Satyrici sunt. A proposito non de-
terret ullus, ævo nostro, mollium amo-
rum, vel numerorum scriptor. Contra-

ria

DE STUDIO POETICO.

ria videbor possidere velle; & imasum-
mis, summa imis commiscere. quod in
Helicone rarum est.

Quis prohibet raris nomen inesse meum?

An unicus Dan. Heinsius, inter ignitos
lapides novit ambulare? ego, citra ja-
ctantiam, castiores illi gemmas opponam:
quæ nihilominus in nova prorsus, quod
sciam, teneraque, & ad delectandum in-
primis apta materia coruscabunt.

Ad Satyram revertor: bonarum men-
tium tutelam, malarum frenum; amicam
Veritatis, scelerum inimicam; assenta-
tionis extirpatricem, insontium patro-
nam; Iustitiæ ministram. Hæc amplif-
simum aperit Eloquentiæ campum, vir-
tutibus aream, ingenijs forum, Religioni
templum, Prudentiæ Curiam, probis cœ-
lum, impijs Avernum. Gestientis facun-
diæ nervis, & arcu freta, blanditur, &
tonat; terret, ac mulcet; ferit, & sanat;
delectat, & urit. Sed enim sua verba ex
macello quoque fertur emere. Qui hoc
objiciunt, anſatam phraſin circumagunt,
ex Iul. Cæſ. Scaligeri, Viri Clarifs. libris
mutuati. Ita eſt: etiam ex macello; ſed
opinor, Romano, in Latino foro. quaſi
verò

DISSERTATIO

.verò Horatius nesciverit, ubi optima ob-
 sonia Rhetorum, Vatumque compara-
 rentur. Et tamen fateri cogimur; mul-
 ta verba in Satyris usurpare, quæ in Ly-
 ricis nunquam positurus erat. Ceterum
 nulla Musa in Parnasso opulentiùs cœnat,
 Satyricâ. sint quædam, licet, fercula ex
 macello deprompta: inferuntur patinæ
 plenæ cibis aliquid significantibus. spu-
 mant pocula ex meliori Aganippide. De-
 lectatur acidulis, lactucis agrestibus, carne
 bubulâ, & sarcasmis dulci rore suffusis.
 boletis item piperatis, & conditis dicte-
 rijs. vescitur sententijs in cerebro Iovis,
 & Minervæ natis. præter analecta omni-
 um fabularum, suæ condimenta mensæ
 in promptu habet: concham puri salis,
 acetum, sinapi, aromata: argutias, festiva
 dicta, alludentes tropos in nebulis lacteis.
 Quid multis? alia pleraque Poëmata
 imputes Juventæ, ætatis humanæ Veri,
 velut flores: aut æstati, ut segetes; SA-
 TYRA, virilis animi, maturique Iudi-
 cij fructus est, ac vitæ debetur Autumno.
 quem juvenes optare quidem possunt,
 non item carpere. Abstant igitur igna-
 vi ad-

DE STUDIO POETICO.

Vi adversus Satyrographos mutire , ne dum loqui. sæpe meremur id pati , propter quod reifacti sumus.

Vnum non dissimulabo. Molestissimum accidit , Carminis hujus dignitatem , legesque intelligentibus , non licere profèqui : vel religione prohibitis , vel injuriam temporis metuentibus. hinc sanctæ Honestatis oculi , inde peccantium delicatæ aures obstant. Potuit Juvenalis ævi sui vitia , quantumvis immania , immanitate dicendi æquare : quia potuit per Urbem stridentia flagitijs plaustra , stridentibus verbis insequi. Gulam , luxum , avaritiem , perjuriam , lasciviam , Circensia exagitans , eâ libertate scripsit , quâ liber populus peccavit : vel sic quoque histrionis exsul factus. semper enim Veritas odium parit : formosa mater , deformem filiam. Nostrum seculum eadem scelera , quæ Calvi Neronis , inquinant ; si non etiam majora. quis audeat Juvenalis esse ? in apricum proferre occulta ? In cassum verò scribere , stulto labore consumi , alterius lateritio favori incumbere , replere archivia , forulos , loculamenta , cistas , faccos ; non vacat. nam cui bono :
tam

DISSERTATIO

iam malè effusus sudor ! possis laudabi-
 lùs quiescere. Rursus, in Satyram rue-
 re, Panicis terroribus refertam, culpares
 nugas, phocis relictis piscari gobios, est
 enim verò hoc nugari : luctari cum lar-
 vis; *plostellò adungere mures*; *Ludere par,*
impar, *equitare in arundine longa* : quan-
 doquidem verus Pegasus ephippium
 cum tergo negat. Si fas esset, nunc quo-
 que, Scapham Scapham nominare, & fi-
 cum ficum; oculis portenta, auribus to-
 nitrua ingereremus; Nec inæquale pon-
 dus orationi Vett. fortasse confurgeret.
 A nequitijis facundè expositis, Versus æquè
 resonans concuteret auditum; fulgurans
 perstringeret visum. Iam Satyræ nomen
 usurpamus, non potestatem; umbra-
 tici pugiles, nec erubescimus confiteri.
 Et tamen naturale vinum; tantâ arte non
 infunditur vitro; quantâ fictum penicil-
 lo, allinitur tabulæ. Hactenus cum Me-
 dicis festivè jociati sumus; cum Tabaco-
 philis fumosè nugati sumus. Hac scri-
 ptione Vultuosam Torvitatem laudamus;
 hoc est, Philautiam, & Philocaliam ple-
 ctimus, dignam scilicet Satyrâ materiam
 monstra ridendorum facinorum. Quis:

Her-

DE STUDIO POETICO.

Hercules hæc mactet? mitiga verborum
sonum; & penè virtutes erunt.

Sed præstat severiores colentem: Mu-
sas, esse pudicè inglorium, quàm illicitè
disertum. tibi, *Crescenti*, in exemplum:
cui si præceptiones Poëticas petenti feci-
mus satis; bene est. sin. minùs: jam nunc
edico; Orbiliùm vulpes foetentem aver-
sor. urgere porrò cessa, certus repulsæ. ab
elephanto stipem petis, & inexorabilem
januam pulsas. aliam Laurum, aliam
quercum excute. Hoc saltem, istâ quali
quali scriptiunculâ, compendij me lucra-
tum esse censebo, quòd Lectoribus abje-
ctiùs supplicare non cogar; fiduciâ causæ,
quam ago; beneficio prærogativæ, quâ
fruor. passim, sollicitis præfationibus,
implorati Lectores optantur Candidi, mi-
res, benevoli, propitij, amabiles,
pij, jucundi: ego peto

TORVOS.



Vul-

Vultuosæ
TORVITATIS
Encomium.
PARÆNESIS
Ad eundem

Pont. Crescentium Marconam.



Elicias juvenum! studiosos, Pontice,
formæ, &
Smegmatis Adriaci, speculique, ac denique
eburni,

Parnassi sacrum conscendere velle cacumen!
Mox in Aristippi cryptam, ac præcepta relabi,
Zenonisque Scholam magna, & præclara monentis.
Sint procul à nobis culti muliebriter ora.
Forma Sophos neglecta decet, neglecta Poëtas.

I.

Vultus speluncis similes, latebrisque ferarum;
Certè diversos communi à plebe requiro.

Evolve Annales, Romanos consule Fastos
Consulibus scriptos, & Achaica Secula: paucos
Invenies extrâ, simul intus & in cute pulcros.
Non habitare solent magna Ingenia in formosis
Aedibus, atque hederam picto figentibus ori.
Merx, quæ vendibilis, signo non indiget herbæ.

Exemplo tibi sit naturæ factus ad unguem
Diogenes Cynicus. quidnam sapientius illo
Terra Pelasga tulit, bimarisque incincta Corinthus?
Atqui pædorem canis, illuviemque professus,
Nullis imperijs, nullique obnoxius Aulæ,
Terruit ipsosmet terrentes; armæque inermis
Stravit, & evertit, vili malè tectus abollâ.

Per

Per plateas gradlens, veluti latrator *Anubis*,
Publica mordaci laceravit crimina riſu.

Aspice projecto recubantem in stramine, Sodes;
Magnum habitatorem testæ brevis, & gyrandæ,
Quo fors cumque velit. Solio non sedit in alto
Celsius Arfacides Cyrus, nec purpura Cræsi:
Nec post devictum Macedo Babylonius Orbem.

Ejus palliolum, pertusamque undique lænam;
Et peram, & baculum; medióque die laternam
Inquirentem homines, cultrúmque, Scyphúmque, ma-
númque

Cochlear, oblata Persarum præfero gazæ.

Ejus doliolum non æquent omnia Bacchi
Dolia, quæ quondam domitis avexerat Indis.
Quo tamen in Latia nullus fuit Urbæ triumphus
Nobilior. Sexcenta rubro spumantia vino
Plaustra trahebantur: tigridésque ex ordine junctæ
Ducebant prædam ingentem: tum Manades ante
Silenum, & Satyri pulsantes tympana circum.
Ipse Evan silvas frenatis lyncibus intrans
Inſavit buccas, & Thyrsúm sustulit altè.

II.

Iamne vides igitur, quid *Stoicus horror* in ore
Poſsit, & extantes vivo de ſiſtere rugæ.
Spectande facies, ſicut ſimulacra Deorum,
Quas in adoranda rubigine ſecula paſſas
Obſita pulveribus, ſecretæ noctis in antro
Suspicit, informeis ſtatuas, impenſus hoſpes
Cernuus: atque ipſo tremit à ſquallore columnæ
Iam fractæ, ceræque colit referente juvencum,
Aut ſpeciem vaccæ, aut Peluſiaci crocodili:
Doſque ſuſpēdit tacitum teſtantiæ numen.
Eſt, ubi reſſigio ſpelæis nixa ſub atris,
Ad temerè ſtructam, vilémque intenditur aram.
Sæpe minùs colitur conſſatus Iuppiter auro,
Quàm rudis, & ſimplex, & ligneus, & malè culro
Formatus Lycidæ, quem vult donare Menalcæ.

Nunc adeò tetricum caperatâ fronte, putrémque;

D

Pone

Pone senem ; cujus facies videatur aratro
 Proscissa, inque cavas jam velle dehiscere valles :
 In laceris oculi tunicis , stellæque cruenta
 Insanie lugubrè nateat : sint torrida labra ,
 Quanta nec Aethiopis nigri matertera tendit.
 His & monstrificum, (strumam) *sensum* adjice *sextum*,
 Quod membrum reliquis præfert *celeberrima vallis* :
 A potâ quæ crescit aquâ, turgétque crumena
 Gutturis adnata : qualis dependet avari
 Mentoris ex pingui zona : *justissimus unus*
Qui fuit in terris , & servantissimus aqvi.
 Euclio vix major Dresdæ reperitur, & Vlma.
 Adjice & hærentis dorso fastigia gibbi.
 Talem Diva Themis, talem Sapia multa multis
 Prætulit Sponsum, propiora in jura receptum.
Æsopo clivus surrexerat , atque *Bianti*,
 Quantâ mole parem, vastoque umbone tumentem
 Vix Arabum strigosus habet de stirpe camelus.
 Numne idèò non magnanimi, summique fuerunt
 Clamosos inter procures, barbâsque Lycæi ?
 Commoditas etiam ista fuit ; quod ad omnia semper
 Prælia, si nervo torta argumenta volarent ,
 Eset ut in promptu paribus succursus ab armis ;
 Quisque suam tergo portârit bibliothecam ;
 Ut Parthi celeres armamentaria secum ,
 Coryton, refugumque arcum, celerésque Sagittas
 Stet licet incurvus, & sidera fulciat Atlas
 (*Axem qui torquet stellis ardentibus aptum*)
Æsopi tergum portaret dignius astra.

I I I.

Nil igitur fœdum, nisi, quod virtutibus obstat,
 Nil pulcrum, nisi, quod vitio adversatur, *Honestum*.
 Prodigio par est Sophiæ armillatus amator ,
 Et tener, & bellus, cincinnatusque , Spadonis
 Ingressus formam : quid enim nisi pejor imago
 Restat. & enervi sit inertior Hexmaphrodito.
 Malis *Thersites* posse intorquere dilemma,
 Et vix solvendum Oedipodi proponere nodum ;

Quam

Quàm speciosus *Hylas*, vel *Protesilaus* haberè
Mollis & indoctus, neque bella ad seria natus.
Hic erat Hectoreâ dignus fataliter hastâ
Scilicet occidi! quanto meliore lacerto
Hypolyte strinxit, Tanaiâ egressa, securim!
Chryppi argutum passim laudatur acumen:
Quod tamen à naso, si vera est fama, pependit,
Et stillante quidem. Stylus hic projecerat umbram
Ingentem, dicto festivo caussa futurus.
Vtique adeò & navi profunt Sapientibus ipsi.

I V.

Progredere, & vigilem jam nunc expende *Cleantbē*.
Ex puteo noctu deduxit aquaticus urnas:
Pro minimo fontis naulo servire paratus.
Tu in pluma stertes, & versicoloribus alis!
Carneadem luscum, claustrôque expende sepulcri
Pittacon egressum: namque illic fata solebat
Discutere, & vivus media cum morte pœisci.
Democritus quamvis totus fuit ore cachinnus;
Parte tamen summâ speciem ringentis habebat.
Quem Pandionij latet inclyta fama *Solonis*?
Thebani quem Scita senis, Tabulæque *Cebetis*?
Traditur ad visum deformis uterque fuisse.
Alter dextrum oculum, lævum destruxerat alter:
Contemplator item squalentia *Socratis* ossa:
Nectare qui potuit diram mutare eicutam;
Exilium & fordeis, & probum detrahare ipsis
Carceribus. templum fuerat, quò liëtor abegit.
Atqui hic se croceo perfundi rore putabat;
Cum *scaphij nimbes* bene loto vertice sensit:
Xantipphæq; super portas, illa inclyta Iuno,
Tempestate potens rapida de nube tonaret
Valvarum. fractas quondam dejecit & istas
In caput; & querno lustravit fulmine calvum.
Hoc firmat vireis: hoc dignum numine pectus
Præbet, & arcanis animum cœlestibus infert.

V.

Da nunc *Pythagoram* frugali ventre beatum;

Nullum animal primis contingere dentibus ausum.
 At, quia *lente, fabâ, pisce* tantummodo pastus,
 Dignum, qui *Piso*, qui *Lentulus*, unus & idem
 Cum *Fabio* dicatur homo, triplexque Senator
 Urbis, Roma, tuæ. Sed dic; ex pultibus istis
 Aut voluisse putas, Samium aut potuisse Magistrum
 Formosum fieri? sese statuebat cretum
 Efficere; & cuneis horrentem scindere vultum -
 Inque genas, scrobibus factis, inducere fossas.
 Vix scires: facies, an abyssus decolor esset.
 Tantis distabat spacijs à corpore crasso.

Addita perlucens macies, & cornea fibra:
 Attritæque diu radians truculentia formæ.
 Ne tamen ignores: hic est ex omnibus ille,
 Qui stans in terra, cælum, convexaque Mundi
 Mente, Deosque adiit: vomuitque ad sidera capas.

Ergo age, si perdix, gallinæque nigra feratur,
 Aut alba, in patinâ: (nigram prius ordine vita)
 Cum volucres alius, pernāsque invaserit, & quæ
 Proxima: contemptor potiore in lance *potentam*
 Aggrediare manu. *Sacer est cibus esse Sophorum;*
 Pythagorāsque facit, vel saltem Pythagoræos.

Fœtent, & ducunt fœtorem talia, dices,
 Ferula. pone metus, indignas mitte querelas.
Hic odor est proprius doctorum; altasque cathedras,
 Pressantum, ac tripodes, famosorumque virorum.
 Sic fragrat nutrita suo Sapientia succo.

Hic fœtor casiam, mihi crede, & cinnama vincit.
Diogenes certè nullum spiravit amomum.
 Quid potius? cerebrum, an nasus? sapere, an bene olere?
 Liberum, olere bene, est: sapere, ac sapuisse, necesse est.
 Abrotonum nunquid conditâ melle placentâ
 Sanius *Hippocrates* sancit? tamen illud amarum est.
 Quondam nec glandes veriti ructare palato,
 Aurea fecerunt tam vili secula victu.

Tu, quod alit famam stulto aspernabere fastu!
 Aut dubitabis adhuc intratis melle Sabæâ
 Funeribus Regum Cynicum præferre cadaver?

Eoquid

Ecquid *Anaxagoram* memorem primordia rerum
 Aëre miscentem confuso, & magnum *Anacharsen*,
 Captum utroque genu. Ter centum vendita nummis
 Lampas *Episteti*, quanquam in Iodice matellam
 Purgantis, servatur adhuc; oleumque ministrat
 Lucenti famæ; quæ sic ardebit in ævum,
 Ut nisi cum lapsis non exstinguenda sit astris.
Stilponem spernes lippum, similémque molosso?
 An *Speusippus* erit propter sua sputa pudori,
 Opprobriove tibi? tamen alta in Cecropis urbe
 Ejus honorata est docta, & celeberrima tussis.
 Publica (quis credat?) merces admensa catarrho est.
 Non *Heracliti* flentis deterreat imber
 Continuus: si me doceat plorare, pararum
 Virtutis momenta sequi: vel lictor, & infra
 Sordidior lixam. Si rectum monstrat; adoro.
 Tales producit sessores porticus alta
 Tres cubitos, sex lata pedes, oblonga trecentos.
 Quanquam autem obstipos angusto limite sepsit
 Parva domus: tamen & gelidum Præneste Neronis,
 Et Tybur, Memphínque ipsam transcendit honore
 Hic homines sunt, hinc sacra oracula manant.
 Appellent alij mandram, stabulumque caninum;
 At tu Delubrum venerabile dixeris esse.
 Quale nec in Libya possedit corniger Hammon;
 Huic mandræ *Senecam* debes, prò, quanta sonantem
 Ausculta: excusso si fortè rubore salubri
 Stoica perstrictam pingant conchyliæ frontem.
 Vera quidem loquitur, sed non & grata prementem
 Vellus Amyclæum, spondæ vel in otia merso.

VII.

Lucili, vivamus, ait; vivamus, amice.
 Esse scias multos, non vivere. Fata, fuisse,
 Non, vixisse, docent. *functos*, an dixerò *functos*;
 Quis per socordem, trepidantia gaudia, luxum
 Effluxere dies. Cur vivat Apicius, inter
 Ebria continuus luteo convivium, nescit;

Sæpe, quod esuriat, servo veniente, monendus.
 Hora quidem Cœnæ: sed nondum viscera totum
 Digessere bovem; atque hæcæna tomacula restant.

Inquinat horum aliquis sacrum Solis jubar. ut quid
 Editus in lucem est! immensa negotia venter
 Vnicus indicit, spoliâtque elementa colonis,
 Civibus, indigenis; vastâmq; immittit in alvum.
 Cùm modicum Natura petat, quàm multa paramus
 Objicere invitæ! mihi pransuro neque turdus,
 Nec pygargus adest: *Senecam tamen explio totum.*
 Proposui placare famem, stomachique tumultum,
 Non mulcere gulam. *Lucili*; cœna vocetur
 Et tibi lauta, *Satu*. ponantur oluscula pauca:
 Cum Dijs, lance pari, vives. non discute quadram,
 Quid ferat; Odrysij jecur anseris, ænne legumen;
 Gobius, an rhombus nigra portetur in olla.
 Sufficiant quævis obsonia. villicus Afer,
 An, quæ poma dedit, parvo Geta legerit horto;
Hesperides donâsse putes Non vult sitis ungi,
 Exstingui cupit. hoc præstant non cæcuba tantum,
 Setinæque uvæ; sed quilibet irriguus fons
 Egelidi nemoris; scatebræque mamilla benignæ,
 De convalle fluens: cujus Mons esse maritus
 Possit, & uberibus riviis nutrire jacentem.
 O quoties clamo: malesanis parcite votis;
 Sæpe exauditi Divis, plectentibus illa.
 Hostis non major noster, quàm nostra cupido est.
 Sanguis, opes, ætas, tituli, facundia, vires,
 Munera Naturæ, sortisque, æqualia non sunt.
 Quod beat, æquale est, & prorsus in omnibus unum,
Virtus, ac Ratio. Quibus hæc concessa, parum sunt;
 Plus quàm avidos totus nunquam satiaverit Hermus.
 Influet in fauces Ganges, siccâsque relinquet.
Summa voluptatem, reor, est sprevisse voluptas,
Et curare bonum, quod non terit ulla vetustas.

Convolet ad mappas, festa & Circensia vulgus:
 Monstrentur ludi, gladiatorumque catervæ:
 Quadrupedèsque feræ bipedum certamina pascant.

Prod.

ENCONIVM.

Prodeat in scenam Pentheus: cantetur Agave.
Ipse mihi solus magnum satis Amphitheatrum,
Pompejanus ero: vel, si volo, Cæsarianus:
Optio in arbitrio est. *Cæsar, Pompejus egebant:*
Nunquam ego. projecit pridem miserabile votum.
Nimirum sibi quisque suus, Comœdia vitæ
Cum datur, esse potest certus Spectator, & Actor.
Quam vis personam? Rex, vel dictator in agro,
Prætorque, & Consul, sine fascibus, atque securis
Plus aliquid dicam: Romanis mœnibus absens,
Et Deus esse potes: (*Deus est, ubicumq; vagaris:*)
Aut miser esse potes. sunt mitia numina Divum.
Admittunt socios nullo livore notandos.
Non vicos, non prædia habes, non horrea, non rus;
Nec superum Rector. cupias Iove ditior esse!
Sed necar potat. dicatur fabula dulcis.
Ipse sua ambrosia est. Sapiens sibi quisque potest, quod
Iuppiter esse sibi. viles vilissima fingunt.

Vitam, *Lucili*, pelago ducamus ab alto
In portum; morésque tenax in litore fundet
Anchora compositos: animum pax alta tenebit:
Si placidus nullo curarum fluctuet æstu.
Cum pectus fastu ventosa superbia pulsat;
Irati surgunt Austri; furit ardor habendi;
Tempestas metuenda subit. Sed collige vela:
Notitiæque tui præter vada cæca vehendus,
Vitatis Brevibus, tibi prima, & proxima rade.
Nemo ferè non est suus idololatra. quis non
Assentatorem, mimumque agit, & parasitum
Nocte, diæque suum? quotus audet dicere verum
Ipse sibi, & speculo convitia reddere viso,
Ante reum, & testem? cum sese absolvere Iudex
Nec velit, aut possit. contra nebulonis imago
Stat, starique jubet. *non est operosior ullus.*
Quàm peccare, labor. virtutis castra secutus,
Otia agit. jucunda quies, delinquere nolle.

Quid tali Fortuna potest irata minari?
Ignem, & aquam? vindex contempsit Mucius ignem:

Tranavit Tybrim superato gurgite Cocles.
 Fumantis barathri tenebras, calidumque profundum;
 Curtius hoc equitans, tellure hiscente, subivit.
Carnifices clavos? dabitur non Regulus unus.
Exilium? patriam mecum, fidemque Penates
 Porabo. *Mundi sum civis. Mundus ubiq. est.*
 Stem quocumque loco; supra me sidera volvi,
 Imparibus gyris, eadem aut majora videbo.
Invidiam? dulce est, hoc expectare superbi
 Tormenti genus. infelix, cui nullus in aula
 Invidet. ille caret poenâ formidine gratâ.

Est aliquid, quod & ipse tibi, *mea Cacula*, donem.
 Hanc habe, & offensam digitalem corripe ficum,
 Sic se *Democritus* fuit olim fortiter ultus,
 Fortunæ monstrans insertum pollicis unguem,
 Comprensâ serpente manu; fecitque volumen:
 Quale facit serpens in se, & sua membra plicatus.
 Adjicio laqueum, quo fias altera *Arachne*.
 Huic monstro nunquam, *Lucili*, cedere oportet.
 Nec blandum admitto; blandusque irrideo sævum.

Nulla bonum lædunt contagia; Nec miseret me
 Magnanimi, fortisque viri tolerantis iniqua.
 Esse nequit, quamvis possit miser esse videri.
 Femina mutatur, vulgusque ignobile: plebis
 Scita tamen Sapiens & jure instructus, & usu
 Abrogat, & sancit toto contraria cælo.
 Divitiæ in censum veniunt stipis, & paupertas
 Regni nomen habet. fallax honor, umbra vocatur.
 Mollior affricus, laudes: & fama sinistra,
 Durior ad lavam percussâ sibilus auræ.

Sed neque supremum formides mortis agonem.
 Qui doleat fatum, quo fatum spiritus efflat!
 Sentirine putas, quod, sensum funditus aufert!
 Excruciare necem, per quam cruciatus in agro
 Finitur! Mors est tamen ultima linea rerum:
 Linea, quâ ductâ, quivis censetur Apelles.
 Absolvissè diem. nil vitæ debet, & arti
 Amplius. umbrarum votis respondet imago,
 Umbrarû similis. quid restat? nunquâ ego flevi, Quod

ENCOMIUM.

Quòd non semper eram. plorem pueriliter ergo,
 Quòd non semper ero ! semper jactabor in alto !
 Ad me si trepidet Mors iavitata venire,
 Improvisus ego veniam. Menelaus, an Ajax ?
 Brutus, an Augustus ? possunt prævètere fortes
 Tardipedem : ne se credat fera Larva timeri.
Vsque ad hunc mori miserum est ? sola Ardea dicat,
 Quique in ea natus ferrum phrygis ore momordit.
 Ne Cato serviret, rapuit mortem sibi liber.
 Non est turpe, mori rapto ; sed, vivere rapto,
 Vtere, vita data est : cum restitucnda, vocanti
 Redde ; nec expecta restim à liçtore citandus.
 Excubijs fessus pacata cubilia quærit ;
 Ut carpat placidâ compôstus nocte quietem.
 Nil aliud posco. vitæ satur hujus, & ævi
 Membra fatigatus sub cespite gestio dudum
 Sternere. laxatos dormitans ponit amictus
 Ante torum. laceros ego corporis insuper artus
 Exuere opto mei. terrestri crassa grabato
 Tardant fatalem membrorum pondera somnum.
 Miles humi jaceat ; medijs cataphractus in armis :
 Quippe ligatus adhuc castrensi jure, suique
 Vi sacramen. i. bellorum lege soluto
 (Bella voco vitæ curas, discrimina, pastum)
 Discingi liceat ; nudusque intrare paratum
 Manibus exemptis lectum, ac libare Soporem.
 Hæc mihi debetur merces statione peracta.
 Si vixi : quis me fraudabit jure sepulcri ?
 Otia pugnator posito vetus ense meretur.

VIII.

Hæcenus ex latrante Stoa : quam plurimus olim
 Impulit Annæus, vir prisce moris, ut ævi.
 Talia Vincestas capiet ! cui barbula mollis
 Inserpit, timido, ne gratia defluat, osi ;
 Si dulcis mas major corrumpetret umbra,
 Talia Mesiphadon notus sybarita loqueretur
 Mollior Aurorâ rorante, vel Iridis ore.
 Suetus ad argentum formam componere vixum :

Cunâq; demirans, quibus est mirabilis ipse.
 Oblitus unguentis, calamistro fictus ad ignem?
 Crinibus in nodum tortis, in cornua flexis:
 Mæcenâs vigilans, sopitus Sardanapalus.
 Non bene conveniunt sententia fortis, & aures
 Gemmiferæ, nimumque levi pugnancia vitæ
 Magni verba Senis. contemnit molle Tarentum
 Vitibus in medijs, quod sobria Corduba dicit.

At tu, *Crescenti*, si vis assurgere digno
 Conatu, fierique capax; fuge pectinis usum
 Getuli, ac dentes, quos projiciunt elephantî.
 Turbatis assuesce pilis horrescere, Marsi
 Instar apri. neque te pudeat rostro esse timendum.
 Hic terror decet in sella majore sedentem.

Non mihi displiceant vultus, quos mente feraci
 Callorus genitos vivacia fudit in æra;
 Omnigeni, vaxij, referentes mille figuras.
 Ex quo, mireris, puteo tot, & æquore formas
 Hic Lotharingorum cœlo delapsus, & alter
 Phantâsus, ac mirus Morpheus, altérque Phobetor
 Hauserit; aut quali piscatus traxerit urnâ.

IX.

Sit quasi de cœlo tibi lapsa hæc regula: quantò
 Nativa à gleba mentem, limòque tenaci
 Altiùs extuleris, contemptor corporis hujus;
 Tantò major eris, *Mundiq; capacior hospes.*

Alliciunt Musas frontes in nubila ductæ,
 Et camuræ; dignæque viris quærentibus hostem.
 Dum caveas illud, ne *circulus aureus insit*
Naribus: has poterit, per me licet, *Olpa* sagaces
 Tendere vel sursum, vel versùs labra deorsum.
 Possè dari doctos non credam rhinocerotes!
 Ipse *Plato* latus humeros compactus habebat.
 Divino cupias tu pulcrior esse Platone!
 Quadratum caput esse potest: tamen ore rotundo
 Dîcere, quod Grajæ, & Latîæ mirentur Athenæ.
 Turpe Sophus, stupor ipse suus, mentumq; remulcens,
 Effigiem veluti Parlo de marmore signum:

Olcula

Oscula Pygmalion prono cui debeat ore ;
Ipse sui stultus simulacri Sponsus, & auctor.
Turpe Sophus stringens modulato compita passu ,
Ceu Phrygia mores Corybantum imitatus in Ida.
Vile , pati cultros Phrygios , mediâmq; per urbem
Molliter eunuchi niveis incedere plantis :
Nec sine odoriferis visendus dactylothecis.

X.

Credis? *Aristotelem* , quoties animalia doctè
Partitus , solerte manu exploravit amussim
Naturæ ; membrorum habileis motusque , sitisque ,
Inter equos cervos, pantheras, atque leones ,
In medio tanquam lanium spectare macello
Præcinctum licuit , serrâ, atque securibus usum.
Sordidus effusi rorabat sanguinis imbri.
Quas non ille feras septis inclusit , ut exta
Monstraret , scirètque tomos , artusque resectos ?
Magno operæ pretio. quous illum æquabit aruspex?
Argumentum ingens , magni miracula Mundi
Sætor hic ostendit , constantia mille talentis.

XI.

Observe & *Medicos*. certum est præstare decore
Distortum, vitiûmq; immanius oris habentem.
Tu ne contemnas *Bitiam* , quod stillet ocellus ,
Ridentem ad lectum , sicut Proserpina rapta.
Optimus ex Medicis ægro convicia jactat.
Neu spernas *Marulum*, quod nata cucurbita partem
Extendat capitis : neu lippum *Bassarotrompam*.
Hic Gallis, Belgisque satus movet omnia fundo.
Crine ruber, niger ore, brevis pede, lumine laesum :
Quisquis hic est, meus est. huic me, meâq; omnia credo.
Hos ego prætulero, quos experientia clarat
Fortibus exemplis, quamvis per singula torvos.
Dummodo felices Parcarum fila retardent :
Ac, si quæ invitæ detrectant jussa medentis ;
Ex manibus raptare colum quoque fortiter ausint ,
Prostratasque solo validis pulsare lacertis.
Donec promittant resecandæ parcere vitæ.

TORVITATIS

Hos ego prætulerim. vivat *Marosandola*, vivat.
 Lanificas regit ille Deas, verbisque, minisque,
 Quondam & verberibus: si iussa capeffere segnes
 Nequitia (dolus, an virtus!) mandata morentur.
 Ille truce Lachesi nuper plorare coëgit.
 Multiplicans impunè manus: quum stamina vitæ
 Nostra minaretur violentâ abrumperè dextrâ.
 Cessa, ait: & colapho Medicinæ jura peregit.
 Convalui extemplo. vivat *Marosandola*, vivat:
 Vtcumque horribili vincat squallore Charontem.

XII.

Quem dabis Astrologum, cuius non vultus abundet,
 Si non deficiat? placet immaniſſimus horum,
 Et rigidè absurdus. cui nempe occurrere nolis
 Per mediam noctem sphaeræ instrumenta ferenti.
 Clarior est tristem diffundens ore Cometen:
 Qualis erat cælo sub stante *Copernicus* olim:
 (Terra movebatur. torvo hoc innotuit uni.)
 Stabat & ipse tuens Solis non mobile corpus.
 Vultus erat; qualem timuissent Sidera visa,
 Si spectare truce potuissent. Solus Orion
 Dicitur armatus non hunc timuisse Polonum.
 Ergo degenerat, cui nulla eclipsis in ore est.
 Pulcra Mathematici facies, est nobile monstrum.

XIII

Scilicet antiquis majori ex parte relictis,
 Ad superis charos homines, & sanctius ævum,
 Vel propiora voles me tempora flectere cursum.
 Nulla mora est. paucos tamen omni ex agmine sistam.
 Prætereo vivos, & adhuc communibus auris
 Vescenteia. Tumbam *Beda Venerabilis* intro.
 Ut jacet, antè stetit, cælesti horrore verendus.

Petri Lombardi tumulum Sorbona coronet:
 Namque alia hant facies tumuli fuit, ac tumulati.
 Ad *Scotum* propero. color olli, vel cineri par,
 Vel tunicæ agresti, crassaque ex canabe textæ.
 Entheus, exelus tamen, & scaber, & macilentus.
 Præ cunctis retulit Tituli *Subtilis* honorem;

Nul-

Nullius invidiæ stimulis penetrabile nomen,
Cuncta licet penetrans, & mentis acumine hægens.

O si *Durandos* nunc, *Capreolosq;* videres,
Et veterem *Occamum*, spirantes putria navis
Frustra; quasi ex arca cani direpta Noachi!
Hi sunt, post quos non alias sapientia quærat
Naufragij tabulas, firmissima fulcra sophorum.
Nonne recordaris *Luca Melitonis*, & *Hispæ*?
In cinerem quorum facies subsidere visa est;
Hostili busto, captaque simillima Trojæ.
Rudera dixisses restare novissima vultus
Humani. atqui hi sunt, qui complent laudibus Orbem.

Quotquot *Complutum*, quotquot *Salamantica* clares
Extulit alma viros, magnæque *Conimbrica* famæ;
Turbavere comas, & despexere figuram.
Ex vultu nôsses Animas sua membra perosas,
Atque aspernantes, crudæ virtutis amore.
Haut aliud *Mendoza*, aliud *Soaresia* dicet
Gloria, & adversis pugnans *Vasquezius* armis:
Introrsumque genas ostendens *Lesius* actas.

Ultimus in morbis etiam, cumuloque dolorum
Ferreus extiterit, dubites, an aheneus, an
Marmoreus! gemitum stridenti in vulnere præsit.
Quin hilaris potuit vitiatæ corporis ulcus;
Atque venenatas prurigine radere crustas!
Insuper ardenti renum oppugnatus arenâ
Ferre cruentanteis lapidum intra viscera morsus!
Tam cupidè hæc inter Musis operatus amicis;
Quàm noster *Dorylus* pernas venatur, *Iaccho*
Dona *Mosellano* tua, *VVestphale*, jungere doctus:
Quàmque *Taradarius* salpas in lacte natanteis;
Ovæque cum pullis, & fraga recentia sorbet.

XIV.

Summa: *Sophum* callosa juvant, asperrima durant,
Efficiuntque virum, dignum *Lacedæmone* civem;
Poscitur in primis patientia rebus in arctis,
Frigoris, atque æstus. positus quocumque sub axe
Thulênque, & *Meroën* ferat, & contemnere discat.

Parclor, & duro porrectus in assere somnus;
 & Ni malit stipulis, aut pelle *Libyftidis urfa*:)
 Quando fames urget; pultes, coliphia, crambes
 Quando sitis; pallens Cerealis, spuma Falerni,
 Nodoso cohibenda vitro, tractimque bibenda,
 Aut ex relliquijs Pœnorum poscâ, nivasas
 Perruptura alpes, barrisque obstantia saxa.

Mens extra Mundi Zonas, Cancrûmq; Caprûmq;
 In proprios collecta sinus, in sêque reducta,
 Tanquam in Mæandrum, vel Cretensem Labyrinthum:
 Theseus unde *Theses* miras cum Minotauro
 Prodeat ostentans, septemPLICIBUSQUE chymæris
 Orbem insignitum, czlatûmq; anguibus aureis.

X V.

Talibus expensis, *Marcona*, ferociter insta,
 Ut meritam possis *Lauro* decerpere *baccam*:
 Donec in hirsutum, formidandûmq; *Magistrum*
 Transeat hæc species: toto jam bardocucullo,
 Atque supercilio majore, & epomide dignum.
 Cui liceat tonitru quamvis implere proscucham:
 Pérque Stagiráos, Academica lustra, recessus
 Naturæ secreta loquî: *doctique boars*.

X V I.

Transeo in Aoniam, & sancti penetralia montis:
 Major ubi viridis, ramosâque copia Lauri,
 Crinibus effusis, mutata ex virgine crescit.
 Fonsque sacer volvit bullas, & inxstuat unda.
 Læta loci facies; sed non adtunda paventi
 Ardua, & innexos spinis, curisque labores.
 Sic primûm statuas: si te fore, *Pontice*, Vatem
 Majorem credis, quia sis formosior, erras.
 Exterior nil forma juvat, si tûrpis es intus,
 Aut brutus, stupidûsque, atque oblimatus, & exspes.
 Sicut nec pravum corpus circumdata vestis
 Attalica emendat; nec curvum fascia collum.
 Ede: quis Elei genium, vireisq; caballi
 Aestimat ex cristis, phalerisque sonantibus auro?
 Quis pictam navim, vel carbasa serica mali?

Aut

Aut gladium propter vaginam adamantæ rigentem.
 Corpus iners, Animi rectæ vagina vocatur,
 Ensis hic, iste potest Pallanti dicere solus:
Aspice, quàm mage sit nostrum penetrabile telum.
 Theca suum gemmata nequit lucente smaragdo
 Tutari dominum. sita vis in acinace tota.
 Quin nec Amurathes, aciem, ferrumque timebat;
Scanderbege, tuum; si non manus afforet, imos
 In Thracum jugulos plagam ductura profundam.
 Num melius testudo sonat cupressina buxo?
 Aut ductis ebено clavis, & laspide fulgens?
 Par ceræ, Tyrio quam Lydia tinxerit ostro,
 Pulcrior audierit, non doctior ille Poëta.
 Lacteus, idcirco non est *Lactantius* ore,
 Eloquiūque fluens: sed lacteus; & nihil ultra.
 Lumina ego mirer, tenuis quæ palpebra velat!
 Glorier à visu, fuerit cùm cæcus Homerus!
 Cujus vel tenebræ plus conspexere sagaces,
 Quàm Phaëthon totus patrios coniectus in igneis.
 Intus mente mica, formosâque instrue flammam;
 Illic omnigenos Animæ dispone colores:
 E quibus Ingenij vernans splendescat imago.
 Interior largo fallat tibi vena meatu.
 Sis animo pulcer. nihil uncta filigine prodest,
 Malobathrôque cutis: nil gemmea sidera frontis,
 Puniceæ aut malæ, ceu punica mala, rubentes.

XVII.

Paucis multa loquar. torvum volo, *Pontice*, Vatem.
 Torvum concipio. torvus fuit *Ennius* olim:
Vnus cunctanti Fabio qui restituit rem.
 Torva *Attellani Labronis*; torva *Lucreti*
 Effigies, herbas vultu, referentis amaras:
 Quasque *Parætonijs* radices repperit arvis.
 Torvus *Cacilius*: torvus *Mare*; ruris habens plus,
 Quàm nitidæ Romæ: gnarûsque satos colere agros,
 Non fūco vultum; pigmentâque condere falsa.
 Torvus erat, cujus ductu *Iocasta* marito
 Obvia, & in medios fratrum ventura furores,
 Egred

*Egreditur portu. velut antiquissima mater
 Eumenidum, magna cum maiestate malorum.
 Torvus, qui Soceri, Generique infanda canebat
 Bella per Aemathios plus quam Civilia campos.
 Torvus & ille fuit Peligni solis alumnus:
 Qui tamen infelix torvas vetat esse puellas.
 Atque utinam semper tristis, torvusque fuisset
 Et sapiens Naso, potius, quam blandus Amator.
 Torvus erat, cecinit qui: frontis torva voluptas
 De Stilicone suo: quoque indignante, dolosus
 Semivir, Eutropius Consul, trabeata per Urbem
 Ostentatur anus, titulumq; effeminat anni.
 Quid Iuvenali? id novies ter torvus, & asper.
 Semper ego auditor tantum! nunquamne reponam!
 Horridus Eurystheus, ut nubifer Apenninus,
 Et vigil enormes rhonchos proflare solebat.
 Lurida spirabant per totum absynthia vultum.*

XVIII.

*Pierides Musas facie florere venustâ,
 Purpureisque genis, inter signenta reponere.
 Pictorum hic olim mos est, & iniqua potestas,
 Ut, quas indocti nunquam videre puellas,
 Exornent minio, faciântque nitescere cultu,
 Imbelles veluti pupas, & eburnea monstra;
 Quorum omnis sit vita chelys, choreæque, chorique;
 Et crinalis acus, stactæque, & pyxis, & uber.
 Dulce quidem cantant: sed non ut lena Canopi,
 Non, ut Sineres: quas vix effugit Vlysses.
 An non & Sappho cecinit? cecinisse fatendum est.
 Illa tamen multum fuerat diversa Lacanæ;
 Quæ bis digna rapi, Ledæo prodijt ovo.
 Non minus in numerum Musarum Lesbias ista
 Posterior nonâ, prior undecimâ, licet atra,
 Valga, pusilla, myops, meruit facunda referri.*

XIX.

*Quotquot Mnemosyne peperit Iove conjugè Natas;
 Spectatum admissi quondam lustravimus omneis,
 Sortiti fortunam oculis. in colle sedebant*

Her.

Herboso ; nostrôque Novem, totidémque Camœnis
 Instructæ. liceat mihi visa, & vera referre.
 Nulla micat timidum, fractumque, aut mollè renidet.
 Crudus in ore decor, neglectu gratior ipso,
 In speciem Dryadum vergens, silvescere visus.
 Armatur terrore pudor ; sexûque severo
 Ambiguas miscet facies. flagrantia vibrant
 Lumina. stant temerè crinalia vertice fecta.
 Nec stola, nec manicæ, nec inundans fascia limbi
 Arguerint simileis Nymphis, quas anxia centum
 Torquet imaginibus quærendi cura decoris.

Ne longo sermone morer ; do Nomina Divum.
 Mascula *Calliope* bellatur Amazonis instar ;
 Læta audire tubas, fuscari & pulvere campi.
 Nobilis ingreditur *Clio*, nec honoribus impar,
 Alternò signat glomerata volumina passû.
 Claudicat *Euterpe* ; tantôque frequentius apta
 Exhilarare jocos, risum movet omnibus : unde
Delectantis habet nomen. *Polyhymnia* prona
 Ad rixam, vocale melos miscere tumultu
 Gaudet, & ærios lituis confundere fluctus.
 Dat belli signum nonnunquam ; quale dat, alta
 Cùm Norimbergæ *Laurenti Turnus ab arce*
Extulit, & rauco strepuerunt cantica cornu.
Melpomene Tragicis it formidanda cothurnis :
 Haut illi thymus, & panace, cerussa que cordi :
Penthesilea furens nativo vivere succo
 Assuevit, propriisque bonis ; non mercibus emptis.
Terpsichoren præter saltus, vocémque canorum
 Vix aliæ dotes commendant. Quarta *Thaleja*
 Indolis est mixtæ. grato squallore superbit
 Virgo ferox, animosque mares sub pectore gestat.
 Hæc fovet incompertos : macris arridet, & amble
 Frontones. contrâ, pingue aversatur omasum :
 Præpinguis fungos, & obesa abdomina damaat :
 Semivirósque Phryges, comptósque, virilliter odit.
 Me quoque adhuc mallet gracilem magè, splendi-
 diusque

Extri-

Extritum, ac tenuem protendere longiâs umbram.
 Cùm tamen excelsa capitis procul ægide visi
 Sic quoque terga fugæ cogam dare pumiliones,
 Auroræ flentis crocea de nube caducos:
 Atque sui cubiti nimis, & nimis assis amanteis.
 Nil roscum, nil lacteolum ferrugine tincta
 Ore refert *Erato*, violisque nigerrima pallet.
 Ignescit quandoque, & tanquam lampade flagrat,
 Namque adamante suo castos explorat amores.
 Hæc igni, ferroque probat terræque, marique
 Sæton, & ô patriam Leandri audacis Abydon.
Vranje monstrat cælum, & cœlestia signa:
 Hæc inter tamen & serpentem, & Scorpion arcu
 Brachia curvantem, stellamque Lyaone nixam:
 Parrhasiâque *Vrsas*, insopitumque Draconem:
 Atque oculum Tauri, fidusque immane jubatum:
 Quæque referre mora est, justum incussura timorem.
 Magnæ mentis opus rapidum super æthera ferri.
 Hoc vetus, & sanctum: *non est via mollis ad astrâ.*
 Non recipit molleis Divum Rex, non catamitos:
 Non ad vibrati crispas cauteria ferri.
 Horrendo rari visu, dignique videri
 Virtutis studio, torvi luctantur in axem.

X X.

Palladi armifonæ qualis præsentia! grandeis
 Cælia per glaucosque oculorum prospicit orbeis.
 Cæsariem ferratus apex, cristæque comantes
 Terribili fulgore premunt. sublimis in hastam
 Surgit, ut & scutum commotis sibilet hydri.
 Quis tutò aspexit clypeo Phœrcinida fixam,
 Saxificos angueis! Atqui formosus *Apollo* est;
 Blandus, & auricomus. sed non, cùm *Pythia* cantat,
 Aereæque horrendo mugit cortina recessu.

Aut quoties latè Euboico baccharus in antro,
 Ex adytis responsa tonat. tonat insuper Echo.
 Erigitur, meminitque sui: crinésque relictâ
 Fronte rigent. simul ara tremit, simul ardua laurus:
 Culminæque, & quassæ titubant fundamina rupis.

Tunc

Tunc nemo hunc juvenem simas pavisse capellas
Admeti Regis, jumentaque buccera credat.

XXI.

Cumanæ, viden, ut distorqueat ora *Sibyllæ* !
Vix affata Phryges communi moræ; repente
Concutitur. *Deus, ecce, Deus! cui talia fanti*
Ante fores, subito non vultus, non color unus,
Non compta mansere coma. miseranda, minaxque
Virgo reluctatur. *tantò magis ille fatigat*
Os ravidum, fera corda domans, fingitq; premendo.
Insidet, & stimulos sub pectore vertit anhelò,
Confunditque genas. jures occidere velle.
Sic rapit attonitam, nullòque, omnique colore
Diversam, lassique morâ pulmonis hiantem.
Chryfogoni nequeunt tantam perferre Dei vim,

XXII.

Non est lanificum sudor, *sublime Poëma,*
Plebejusve labor: neque Vatum vitta, caprinæ
Texitur è lana. Saturis bombycibus illam
Non nisi divinæ manus admiranda Minervæ
Conficit, & totam filis subtilibus explet.
Quis metuet Satyram culti, atque nitentis *Oselli* ?
Vtitur astragalus, teneroque est mollior hædo.
Quam dabit in medium *Schockus*, cui polypus ingens
Auctus vi Lunæ, nasum facit esse trabalem;
Lectorem doctum poscens, armatur echino:
Injicietque metum, ferræque secabit acutâ.
Est aliud, valido Satyram distringere nisu,
Quàm Cajo, & Costo scabiosum epigramma dicare:
In quo nil præter tria *Cur*, totidem *Quia* cernas:
Sex *idè*, septem *Quocirca*, quatuor *I nunc.*
I nunc, & pomis imple, nucibusque quasillum.
I nunc, & caligas scrutare Herodis edaces.
I nunc, & cocco vestitum confer asellum.
I nunc, & teneram Cithæræ occide columbâ.
Ut delectat cum pygmæi argutia versûs!
Inque fimo malè scintillans scarabæus equino!
Sed pueri tales gemmas mirantur, & aurum,

Ut perstringit eum stillæ glacialis acumen,
 Et Tropus in febris quartanæ frigora versus!
 Quamquam omni in folio fugitivi frater Iuli
 Ambulat, & gremio Phœnissæ illudit amantis,
 Vulcanum, matrêmque ferens. rotat arma Cupido
 Pictus acu rallam fluitantem, & textile velum:
 Alipedesque alij suspensi terga pharetris.
Multa Venus, nulla veneres, & gratia nulla.
 Sed nondum tempus Thymelen damnare Britannam.
 Adveniet tandem læsi vindicta Pudoris:
 Hastæque Iudicii Cambro figetur Oeno.
 Quid? culpo ingenium? minimè! detestor abusum.
 Mitior incedat positis nunc Musa sagittis.

X X I I I.

Tecum sermo mihi, non cum petulantibus Anglis,
 Pontice: Teutonico cui ductus ab ubere sanguis;
 Nomina per Thufcos Italum fluxere canales,
 Vatem, non vatis lege vultum, oculosque micanteis.
 His excellit *Halys* longè pulcerrimus: omnis
 Nævus abest; nævique metus: tum sanguine largo
 Luxuriant artus, manifestæque corpore toto
 Lætitia arridet. facies spectacula præbet:
 Tam bona, tam saturo fulget tumefacta rubore.
 Ogygias talem speres excindere Thebas
 Possè solo totas, ductosque Amphione muros.
 Surrexisse novus videatur Stathius, Argis
 Par & Echionijs tubicen cantandus in armis.
 Cantandus! votis nequidquam fabula vanis
 Respondet. retrò refer in caput Isara lymphas.
 Deceptos promissa tenent. *Nihil iste nec ausus,*
Nec potuit. quid enim profit Bæotius ær?
 Sed multos perflat tractus Bæotius ær.
 At *Carys* exesus, qui jam vix ossibus hæret,
 Et pulmonis opem non plenè follihus haurit,
 Difficilesque auras tractu lucratur ab imo;
 Intonat, & geminæ quatiens fastigia rupis,
 Parnassum fumare facit. caligine nubes
 Volvitur, & toto resonant cœcæ montes.

Vnda

Vnda fremit : stagnum spumis exultat equinum.
Tunc *Carys* exesus , qui jam vix ossibus hæret,
Ignipotens , offert venâ non paupere fusum ;
Sed præ divitijs animi saliente , suisque
Instructum validè nervis , altèque torosum
Carmen , & Herculeâ dignum cervice reponi.

XXIV.

Quæsitum est ; Vates natura crearet , an usu
Exculti fierent. conjungas rectius. *Artis*
Experts Ingenium stolidè bacchabitur. *Artem*
Ingenij expertem , pertusam dixeris urnam.
Ut derivârunt in cribrum *Belides* undas.
Illi deest stimulus sacer , ac vis ignea mentis :
Qua sine conantem frustra labor improbus urget ,
*Sisyphi*usque lapsis. nimia ambitione coacta ,
Aut expressa , velut pressatur oliva trapedis ;
Oderunt omnes. *Dij* detestantur , & horrent.
Si parcis limæ ; damnabere nare supinâ.
Usque adeò , ut vena , & solers *chirurgus* amicè
Conjurant ; ita sedulitas , ac vena *Poëta*.
Nil possit *Bavio Tigrino* vilius esse.
Nitenti similis cervæ , sua viscera torquet ,
Et variat vultu Ianos , dum carmina pangit.
Cum *Phæbi* cursu non versum absolverit unum.
Putidior *Maracan*. duo millia stans pede in uno.
Porricit : à vomitu velut intestina laborent.
Nec modus , aut finis. quasi ningat in aëre floccis ;
Sic volitant : ut jure queas facere hos quoque flocci.
Ergo & in hoc puncto *Medium* tenuere beati.
Qui laurum mordere cupit , præmordeat ungueis ;
Qui caput incingi sero , scabat. Ut niteat frons.
Emaculata ; genas candentis diluat ostrum ;
Ordine stent crines : ut credas legibus actum ;
Qualibus usa fuit *Respublica* *Spartanorum* :
Quis curet ? melior , quem vestit succida lana ;
Cujus inornatæ ventis afflata flagellant
Tempora capronæ , setæque ex verre marino.



Cùm clypeum Aeneæ, fulgentiâque insuper arma
 Duceret electro liquido, solidoque orichalco
Virgilius, cerebrique sui fabricaret in antro;
 Rere comas violis vinctum, Tyriove rubentem
 Murice; ceu Matris, noster *Virtus*, unica proles;
 Ante relucentis crystalli panda stetisse
 Ostia, & errantibus castigavisse capillos?
 Ille, velut Cyclops opera ad fabrilis surgens,
 Corpore quam nequijt, vel noluit, (ad quid enim mons
 Sulphuris igne tonans!) animo penetravit in Aetnam.
 Tunc Vatis caput, Aetna fuit, Liparæa taberna.
Ingenio duxit folles: stridentia tinxis
Aera lacu. fluit as vivis, auræq; metallum.
 Ictibus ingenij gemuit resonabilis incus.
 Ingenio tandem vireis augente poleibat
Terribilem cristis galeam, flammâsq; vomentem,
Hastâq; & Clypei non enarrabile textum.

Idem opere exacto fessus consedit in Vrbe,
 Ex Sicula fornace redux: ac si ipse fuisset
Brontesque, Steropesque, & nudus membra Pyracmon,
Exercens ferrum, & multa in brachia tollens
In numerum, versansque tenaci forcipe ferrum.
 Tunc primum ad fratres, Aetnæq; pocula ventum est.
 Galtumque, Variumque, & de grege Curepi potcum:
 (Mirandum est Flæco tantum indulgisse Thalejam:
 Vpus tres poterat ventres æquare Cyclopum.)
 Olli inter sese libabant munera Bacchi.
 Et merito. quis enim *siccus* pro carmine sudet?
 Malleus ingerea cum forcipe, (cera, stylusque)
 Emeriti fabri totâ illâ nocte quierunt.
Mox aurora tamen misera mortalibus almam
Extulerat lucem, referens opera, atque labores,
Evandrum atque unâ lux suscitât alma Maronem;
Et matutini volucrum sub culmine cantus.

Aspice *Frigattum* contrâ. nam Mantua & Istum,
 Sed pulcrum genuisse datur: nimisq; superbum
 Nam

Naturæ, formæque bonis, ad Teutona casus
 Detulit. ostentans se Vatem, sardonicharâ
 Scribere metra manu, & scriptis dare basia fertur:
 Iamque opus immenso dignum meditarier ævo.
 Aspice confurgens. prægnantem credere possis;
 Et jam picâ hominem variari, & poscere cretam.
 Ilias inclusa est, an *Thebais*? an generosam
 Ventre saburrato Vates *Aeneida* portat?
 Pythonemne novum de semine sacro Epidauri?
 Solve uterum, profer tandem, quodcumque minaris.
 Alma fave Lucina: fave pia Ilithyia.
 Horrendum visu! geminas Heliconia rupes
 Scinditur in partes, scopuloque laborat utroque.
Parturiunt montes. partum expectemus Amici,
 Dignum Atlante suo. Quid denique nascitur? exit
 De rima cerebri, vertex ubi summus anhelat,
 Post timidos nixus exit *passerculus* unus,
 (Et sunt, qui jurent unâ vidisse palumbæ
 Egredîs: tanto caput hoc discessit hiatus.
 Ex avibus totum liceat dignoscere nidum.)
 Dilectæ Cypridi, jucundæ pluma Catulli:
 Et tibi, si qua super, lacrymis descendenda caducia
 Lesbica: jam Bavaræ potiùs descendenda Terefæ.
 Nil aliud? nil hercle aliud. Verona, triumphæ,
 Si potes. ecce novus passer te vincere gessit.
 Ultra Thessaliam fugere hinc libet, arque bimbres
 Thessaliæ: Daphne meretrix si facta, pudendo
 Nupsit Frigatto, crinemque amplexa coronat.
 Ille tamen fruitur Lauro gavissus, & optat
 Lucinam similem, laudatque in Coniuge Dotem.
 Atqui ego te, dulcis Corydon, post orgia malim
 Rustica, inauditum stipulâ disperdere carmen.

XXVII.

Audi aliud. neque enim procûl hinc semotus abibo.
 Haut multum ascalapho Volucris distabat *Ilerdas*,
 Helvetia in mediâ, summisque in rupibus ortus.
Castricum, ut pavo distendens sidera caudæ
 Iactavit speciem, crines deductus amomo.

Tem-

Tempore Gustavi Sueci Afra Lycatibus arvis
 Patriciæ Matrōna stolæ, felicibus astris
 Augustæ ediderat. nec erat formosior ullus
 Hoc puero pavone. oculos dignissimus Argi
 Centum ferre unus. poterant duo vincere centum.
 Dignior idem inter stellas pincerna locari,
 Ac, pulso Ganymede, Iovi diffundere nectar.
 Creverat in Clarij submissus Præsidis arcem:
 Iustus uterque sibi, patriæ, Musisque vacare.
Exitus afra probat. Specie bubonis *Ilerdas*,
 Aspectūque suos visus terrere sodales.
 Doctior evasit: tantūque haut simplice pictam
 Iunonis superavit avem: cessitque poëta
 Syrmate depresso longè post terga relictus.
 Marsya certando fieret: cūm nodua *Delli*,
 In libertatem qui publica traxerat arma;
 Provocet adilem Thebanum, atque Orphea Thracem.

X X V I I I.

Audi aliud. redolens octo Cilices, minimum sex,
 Spirat *Sosa* crocum, pretiosoque ulcere rupto
 Expressam faniem, & peregrinæ solis odorem.
 Sed mures opicos. foetentia carmina produnt.
Hirtacus axillis subter graveolentibus hircum
 (Emmus advertas etiam) gestare videtur.
 Cūm soccos purgat, tunc non tolerabilis ulli.
 Non pigra Mæotis, Camarinæque, & ima profundī
 Tetrius exhalant ejectamenta Pelori.
 Non ideo ipsius non fragrat odora poësis.
 Vernat enim, spiratque rosas, sudatque tura.
 Haut aliter, quā si variorum ex agmine florum,
 Laxent Elysi j pubentia germina campi.
 Naribus hanc Erato sæpe admover; istaque Clia
 Versibus *Hussardi*. Nam quæ patientia duret?
 Aut Recitatore[m] possit tolerare molestum?
 Felices procul absentes, turdique beati.
 Sævior est picis clamantibus atque cicadis:
 Intolerabilior ranis æstate Suëvis.

Quid

Quid nocet *Ambrosio Mucconi* absentia formæ?
 Turbidus incedit ringentis more molossi.
 Quamquam os, & mores ululant; tamen Ecloga balat
 Deducens pastoris oves, illa Ecloga balat:
 Quæ placuit cantata Duci; retulitque disertas
 Conjugis Austriacæ laudeis, inscripta Amaryllis.
 Altera nec primæ cedit, cui nomen Alexis.
 Quin & ubique placet; seriæque illustris in omni
 Obscurat fuscus nitidos, torvûsque venustos.
 Tympana pulsa sonant Heroica: dulcè queruntur
 Insomnes Elegi: jucunda Phaleucia rident.
 Ausus idem *Basilus*, frustra sudavit & alsit
 Ausus idem, possis misereri, & dicere, *cessa*.
 Alterius tantum novitas, & lucidus ordo,
 Et Mens inventrix rerum, juncturæque pollet.
 Nuper in Aonia, Phœbo præsentè, palæstra
 Eminus alternis certatum, & cominus armis;
 Spectatî pugiles aderant, & tempora victi.
 Primas Mucco tulit: Socij meruere secundas.
 Olli cæsariem subiit circumflua laurus.
 Si verum excutio, facile est componere versus:
 Difficile est libros æquali volvere rhombo,
 Qualeis *Pansa* dedit. dum *Pansam* nomino, nolim
 Subjicias animo Narcissum, vel Cyparissum;
 Quorum alter seipsum, cervum nimis alter amavit.
Pansa vir est, ac penè sui quoque nobilis osor.
 Centauro similis, metuas, ne saxa loquatur
 Ex Aemi decisa jugis. nil durius illo.
 O quantum à vultu diverrit Musa canentis!
 Fundere mella putes: florentem spargere thymbram.
 Candor inæqualeis numeros, & Græcia triplex
 Halantes animant. liquido volvuntur in auro,
 Heliadumque madent guttis lucentibus igni.
 Formosus *Tryphon* ut semet in omnia verrat
 Præsidia, & formas, faciêmque ungâtque, lavêtque?
 Atque relambentis sua vellera more Sciuri.
 Quæ licet assiduus, novies, deciesve repeât:
 E Nescit

Nescit, & hoc solum scit, se nescire fatentem.

X X X.

Fingimur hæc? *Pharaël* etiamnum vivit, & extat
 Qui quamquam nullo perimet se fonte videndum;
 (*Quem neque pastores, neque pascua in monte capella
 Contigerant, aliudve pecus: quem nulla volucris,
 Nec fera turbavit, nec lapsus ab arbore ramus.*)
 Est tamen & lato sua vis, & honor suus ori.
 Omnibus in silvis, quas explicat, agmine facto
 Nidificat *Philomela* canens, secumque *Sorores*
 Adducit, *Getici* jam dudum oblita tyranni.
 Tædet enim semper raptum deslere pudorem;
 Tereâque æternis dirum incusare querelis.
 Narrat *Cæcilie* pugnas. Vt *Barbara* fœdum
 Aversata Patrem, cervice exceperit ensen!
 Vt gladios, igneisque proci contempserit *Agnes*!
Thecla feras: animosa boves & *Lucia* flammæ.
Vrsulâ ferratos telorum evicerit imbres.
 Tum *Glaphyras*, *Agathâsque* refert. Ante omnia cœli.
 Ingeminat, partusque tuos *Nasarëia* Virgo.
 Te quoque *Alexandri*, *Costo* fata, regis in urbe
Eximium, *Catharina*, decus; super ardua montis
 Culmina, quæ cœlum tangit *Sinaitica* rupes,
Aligerum Martyr portata curulibus ulnis.
 Huc properare rotis stridentibus, *Orcale*, cessa,
 Belle puer: nullis illuc hinnitibus itur.
 Frustra urges oleo, vino, sale plaustra gravata;
Autoïmedon non si vel *Achillis* lora teneres.
Orcale, parce manu: veniet robustior ætas;
 Et tunc *Ortygiam*, portusque intrare licebit.
 Interea crudis te fingendum, atque domandum
 Trade rudimentis: scuticâque assuesce ferire,
 Iumentum proprium; meliôrque auriga futurus
 In tua membra ferox contortis irrue nodis.
 Nec cessa, donec sanguis generosus adhæsit.
 Hæc via te ducet, quo frustra tendere vanus
 Clamor adegisset. tunc illam denique Rupem
 Vertice (*Plus ultra*) tanges. Sic itur ad astra.

Huc

Huc ducit tranquilla quies, missisque quadrigis
Sella tripes: quam si retines, portabere pennis.

XXXI.

Molliter ingreditur *Glycus*, & crepidatus, & ornat
Vsq̃ue suos vultus; seque urit, & uritur idem;
Formosâsq̃ue sitit laudeis, atque annuit illis:
Et faciem, & crispis speculo vibrante reflexos
Exhibet ipse sibi, magnusque videtur Apollo.
Sella tori speciem præbet, totoque cubili
Plus quàm mundities simplex apparet. ubique
Concentus, cultri, calamorum, forficis, horam
Signantis stillæ: nec acus, nec acicula aberrat.
Præterea non est atomorum atrocior hostis.
Pulvere mensa vacat. si quis deprênditur, exsul
Continuò in Pontum, ad libros de Tristibus ire
Mittitur, Euxinam Boreas ut difflet in auram:
Accedunt nitidæ vestes: tum grata loquentis
Simplicitas, permixta favo ridentis Amœni:
Et concinnorum suavis symphonia morum.
Et facies dulci pietatis ab iride rorans.
Non hæc idcirco videas urgere Poësin:
Non meliorem Animum, majorâque Numina præstant;
Tamquam extra sphæram longè semota rotandam.
Diversi sunt jura fori. Ruit, ecce, ruendo
Entheus in calamus, ductusque ferocibus urget
Articulis. Pæan furit intus, & incubat olli.
Magnum opus explendum! clausis meditatur ocellis.
Incipit, & dubitat, scribit, mutâtque, probâtque:
Ancipitem versat pennam; stringitque, premitque:
Submovet, & reddit. Pax, an fera bella. (*minâq̃
Murorum ingentes, aquatâque machina celo?*)
Quid velit, ignorat: plus ignorare videtur,
Quàm velit, aut possit, quia parva scientia, velle.
Nôsse aveo finem. jam sextus ab æquore Titan
Evolvit currus, iterumque per æthera duxit.
Quid *Glycus* interea? descripsit. nempe! quadrigam
Myrmecidis tectam muscæ memorabilis ala.
Disticha quina putat posse expugnare Tibullum.

Hæret amans, operisque sui vestigia lambit;
 Basiæque affigit. tanta est dulcedo placendi.
 Fitque procus muscæ. quid si foret illa columba.
 Architz, aut qualem desievit Stella togatus!
 At mihi non tanti hæc, sublato ut pollice clamem;
Eja, ouge, bellè. melius nil vidimus unquam.
 Quid magni expectem crispas ab habente perunctos?
 Quique meras tenero lacrymatur lumine gemmas!

X X X I I.

Malo ego crudeleis socios, visûque tremendos:
 Quales *Hupfades Gluckersius*, & *Didymaon*
Westphalus, & *Clivensis Hegar*, lippusque *Rabastus*.
 Et luscus *Gauron*, capitoque *Telephorus Haza*:
 Sic equidem capito, pars ut sit maxima, collum
 Quæ premit, atque humeros: nec differat à bove multû.
 Hirti, ac præduri fratres, *capita alta ferentes*,
Fratres Atnai: qui vix se in littore spectent;
 Ne dum convexos vitri comantur ad orbeis:
 Non nisi multifido Polyphæmi pectere rastro
 Crinales sueti laqueos. speculi vice, pronos
 Pegaseo se in fonte vident, morsque videntum
 Discutiunt. sit fas Narcissum imitariet isthic.
 Horum introgressus testæ, haut innixa columnis
 Maurorum, aut Nomadû; (nugas humilis domus istas
 Non capit) indigetum eximias mirabere sordes.
 Splendida paupertas: modici tinctura liquoris;
 Sepia in alveolo nans, & loliginis atræ
 Qualiscumque humor, cum capsâ non sine. charta
 Privigna, atque rudes phyliræ: duo, vel calami tres,
 Ejusdem crenæ; sunt curta, & tota supellex.
 Ex tribus his unus plumæ plus retinet albæ,
 Absque ullo fastu; signumque refertur ad usum.
 Associatur hebes, minimûmque novacula scindens.
Aude hospes contemnere opes, & te quoque dignum
Pinge Deos animis patientibus. oro, Poëtris
Ignovisse velis. luxum, & confinia temnunt.
 Secum habitant, ubicumq; habitant: gurgustia, Fana;
 Aulas, an caulas; in summa Tyburis arce,

Valle.

Valle vel Egeriæ, Cumana an rupe, perinde est.
 Da veniam, si quid tibi displicet ædibus illis.
 Non aliter vivunt subducti pectora mundo;
 Ut quorum solis commercia cum Superis sine.
 Ne culpes, nihil esse loco, nihil ordine pōstum,
 Compōstumque suo. crepidæ, mantilia, focci;
 Agmina librum sparsa, ac velut hoste recepta
 Iam primū ex Sueco: Cicero, Maro; sacra, prophana;
 Dismas, & Gēsmas; Th. & Sco. eodem
 Scamno jūcta jacent: hinc pileus, urceus illinc;
 Quandoque & fornax. si Vella, aut mensa vacillat;
 Supponunt testam; clivusque aufertur acernus.

Ima pavimenti, tabulati summa videbis
 Possē Syracosij griphis senis, atque figuris
 Inscribi: quales monstravit Apella Monarchæ
 Chaldaeo. serpens reptaret pulvere in isto,
 Spirāsque occuleret, nova colligerētque venena.
 Quā dispar *Glycus*, & *Nasamon*! occasus, & ortus.
 Pollubrum frustra quæris. mala somnia passus
 Flumine purgatur vivo: Rhenoque, vel Istro
 Abluitur: si causa tamen patet ulla lavandi.
 Nam rarò, aut nunquam sibi sordidus esse videtur.
 Nec, si sit, penset, Cynici memor usque Decor.
 Pexus, an impexus, mediam procedat in urbem,
 Tantumdem est. neque si Nisi coma detur, honoretur.
 Talia non curant, quorum omnis cura Deorum est.

XXXIII.

Scepsius Hirniades, prorsus mirabile fumen,
 Si fragilis casu confringitur hydria; torto
 Fune ligat frustra, & figulum deludit hiantem.
 Spectando formam; magna cum mole ruenti,
 Ac bene contuso saltanti concolor urso est.
 Spectando doteis, ipsis, sine Apolline, Delphis
 Præsideat, vastoque oracula fundat hiatu.

Omnes hi, quotquot merita cum laude citavi,
 Non raptum ex trivio, prætextatumque Poëma,
 De Veneris concha, fractoque Cupidinis arcu;
 Sed castum, succique boni, dignumque sonante

Prælia Papinio, magnisque Maronibus edunt.

X X X I V.

Marcus Abantiades strumofus, & Aferio, venâ
 Gutturis incisâ generosi palmitis icu,
 Purpureos fundunt versus, mustoque madenteis.
 Quis Deus ostendit potiorē Aganippide fontem,
 Vatibus hanc *strumam*, atque artis compendia tantæ?
 Ergo Poëtarum subjecit faucibus unctis
 Humor, iô dulcis fuit ex Permesside bûlga!
 Felix, ô nimium felix, qui se ebrius ipso,
Eructare potest verè spumantia dici
 Carmina. nil usquam est, quod non queat utile reddi,
 Felices ambo. Vatum, nisi fallimur, horum,
 Iam jam nulla mora est, plures quoq; castra sequentur.
 Ecquis enim totus cupiat non musteus esse?
 Et talem venam cum fœnore habere secundam?

X X X V.

Quos tamen inter erit nunquam *Brandisus Azor*:
 Delicias Iuvenis! sibi Virginis æquora chartæ
 Deesse gemens queritur. membranæ vilibus horret
 Conceptus mandare suos. cupit edere fœtus
 In nido, qualem pullis vix construit ipsa
 Halcyone dilecta suis: vel clarior ales,
 Quo moritur busto Phoenix rediturus eodem.
 Membranam Nymphæ! quasi non sit idonea quævis
 Desumpta ex Nili ripa stagnante papyrus!

Arboreis veteres sua commifere tabellis.
 Inde liber cortex, durans per secula nomen.
Azor erit melior priscis! stirpisne pudebit,
 Ex qua seinduntur tenues scriptoris in usum
 Bracteolæ. quid vis? oritur de caudice *Codex*,
 Quem Domini Iurisvolvunt utriusque periti,
 Evolvunt nunquam. *Brandisus* aspiciat vix.
 Ex omni ligno non quivis Mercurius fit.
 Ex isto possit fieri dulcissimus Hermes.
 Ac, bene si truncum novi, ficulneus Hermes.
 Alloquor hunc, quicumque latet sub nomine talli.
 Hem! fructus, ut nactus. *virgo* tibi *charta* petenti
 Carminibus vitanda tuis, nitidissima detur: Quali

Quali fortè usa est Pulcheria Byzantina ;
 Cum fratrem admonuit , *ne crederet omnia servis.*
 Aut quali utuntur , quibus est in amore libido.
 Duc apices : imple spatium certantibus album
 Literulis : auri radios asperge liquentis :
 Alline rubricam : varijs distingue corymbis.
 Vndanteis oras Catanensi pumice rade :
 Hant tamen effugies scombras , piperisque cucullum.
 Ad flavescenteis portaberis emptus Apellas.
 Quare , ô *Brandisi* noster , dulcissime rerum ,
 Si quid habes cedro dignum , hoc in pelle asinina ,
 Inque tua , flagris prius à cerdone subactâ ,
 (Sis cerdo tuus ipse , & fortibus utere loris)
 Scribere ne dubites. nobis auctoribus aude.
 Tunc & jure suo talis super astra volabit
 Codex , seu Caudex. audis ? jam Pegasus hinnit ,
 Et fratri Arcadico justa plus parte recedit.

XXXVI.

Ecce novum crimen , non simplex , *Cæsar Iuli* :
 Dignum , quod Romam ferat ad sublime tribunal
 Tullius , & verbis caussam ampullantibus æquet.
 Nempe ? *Galas Sthenelus* Cygnorum non nisi pennis
 Scribere vult. *Mediam Medici pertundite.* tanti
 Hoc instrumentum est , quo famam extendere possis ?
 Si desit calamus , scribatur arundine longâ.
 Ille meus tribulis etiam Iuvenalis , & hastis
 Fertur pampineis , furcisque nigrantibus usus.
 Vnius excusso cornu , aut titione culinæ ,
 Liventi ceræ multos impressit Iambos.
 Desine mirari , cur tot carbone notârît.
 Nos non respuimus corvos , ubi cessat olorum
 Obsequium ; neque jam superest nisi Baucidis anser.
 Illi parcatur , nam Iuppiter ipse pepercit.
 Ut nihil exeret curvum , sua pingere velle ;
 Cura supervacua est : pravus , rectusne character ;
 Ordine , an obliquum sulcis ducatur ineptis.
 Fusilis idcirco plumbi novitate repertâ
 Quam dixere *Tyrum* (tibi se , Germania ,

Scriptio corrigitur , præloque admota nitescit.
Additur & pondus pretiosum , visque morandi,
Ne permissa volent rapidis ludibria ventis.

Plantinus retinet, retinet *Moretus* : apud quos
Perpetuùm hæc durant celebris retinacula famæ.
Amstela, Lugdunum, Batavo, Gallóque sub axe
Adjuvat : & Romanus apex , atque Adria Marci ;
Liligerumque frequens complexa Lucretia campum :
Et nullis unquam succincta Colonia mendis.

Plus ultra non ire datur. stat terminus ævi.

Varibus , ut Nautis , has Gades Gloria fixit.

O curvas animas , & vel terrestrium inanes !

Si magno sumptu tristes angamur , ut *Alpha* ,

Et *Beta* , & *Gamma* , & *Delta* expingatur in albo :

Si possit bene *Kappa* legi ; frons jam , puto , salva est.

X X X V I I.

Festino ad metam ; circóque educo jugales
Defessi cum solis equis. procedit olympo
Vesper , & in noctem venturos instruit igneis.

Ad te sermo redit , Crescenti , cujus & orsa
Auspicijs progressa foras. sententia nostræ
Mentis , credo , patet. sic est. *Caput imperat Orbem*
Non pes , aiebat , podagrâ luctante *Severus* ;
Quò minùs exiret , lecti detentus in umbra.

Sic Animus , pariter dicam , *Sophus atque Poëta est* ,
Non vultus. litem quovis sub iudice solvas

Iam facilem. dubitare nefas : impensior utri
Cura , modus , sumptus sint debita. si puer intus
Appares , extráque senex ; mordebere dictis :

Ordine converso mirè laudandus. Adultæ
Scilicet ætati , centum ningentibus annis ,

Præfertur longè placidus vigor , ac juvenilis

Canicies Animi. modo sit sapientia cana ;

Quali cæsaries sit subterfusa colore ,

Romæ Popillus Numa non referre putavit.

Non quia crinitus , *cithara crinitus Iopas* ,

Sed quia facundus , Didonis personat aures.

Non melior vates , qui mollior ; aut quia pulcer ,

Cultior

Cultior eloquio. *Distant hæc æra lupatis.*
Pontice, suadentem sequere, audaciterque venusta
 Detrunca partem formæ: tenerasque sorores,
 Ac matrem toto radicitus erue vultu.
 Auruncum mento suffigi fortiter opta.
 Opta verrucas plures succrescere quinis.
 Quas gemmas natura dedit, monstremus inemptas,
 Nam nævus quandoque decet; vitiûmque superbit
 Militis in facie: laudi est numerosa cicatrix.
 O de Palladijs si stent tibi fronte cæstis,
 Saltem aliquot summo nutantes vertice cristæ:
 Quantus habereris! si dens quoque longior unus
 Promineat. signum est genuinum agitare potentis.
 Quem si non metuit derisor Zoilus, actum est.
 I licet. invidiam nescis, odiûmque mereri.
 Collige sarcinulas: ingrata[m] desere Cyrrham.
 Versibus auditis nullus dirumpitur Idmon.
 Dimidios fructus studiorum, ac gaudia perdis.
 Heu miser! urge aliquid, doleat quo saucius, ictus
 Tamquam tormentis & flavæ bilis, & atræ:
 Tàmque atræ, quàm trux fuit Atreus ipse Mycenis.
 Non potes hoc? actum est. proscindis vomere littus:
 Fluctibus æquoreis Cerealia semina mandas.
 Iudice me, satiùs fuerit conducere furnos;
 Venari vespas, culices mactare palustres:
 Et vel Teutonicos pretio purgare caminos.
 Sed genij concepta tui me major alit spes.
 Esto: sint mores non totâ cote politi;
 Declinas tamen in torvum. lanugo ferocis
 Pullulat indicij; fruticâtque emblemata pilosum.
 Pectinis ignoras radios; nisi pectine tantum
 Quo nôsti pulsare chelyn; nos ludimus ipsi.
 Censoris vitrei ad valvas consistere tædet;
 Intuitumque tuæ subsultu pascere larvæ.
 Aversaris acus Phrygias, & cinnama, & ungues.
 Impletos costo. quoties conviva vocaris,
 In primis esum lepôtis sapienter abhorres.
 Formam augens eadem pulpa ingenij minuit vim.

Quin & docta placent vigilatae somnia noctis,
 Talis in Empusae cavea, aut praesepibus altis;
 Martis ubi Thrax nutrit equos, antróque Trophoní,
 Divinos ducet versus, scopulósque sequaces,
 Auritásque trahet silvas. quocumque profectus
 Fixerit exigua sedem; comitabitur illum,
 Trans Thulen, citharis-resonans, Heliconius aër.

X X X V I I I.

Accipe dictorum summam; memorique reconde
 Ultima verba sinu. Si stent sine lege capilli,
 Utque jubae volitent; multúmque leonis in ore
 Rugiat: & facies meditantis praelia tauri
 Misceat humanam; totáque ferocia fronte
 Fulguret exultans: ea demum est vera venustas,
 Optandúsque decor, consummatúsque Poëta.

ILLE MIHI ANTE ALIOS, QVI VIX
 A GORGONE MAURA
 DISTAT, VT IN SAXVM POSSIT CON-
 VERTERE MOMVM.

X X X I X.

Hæc ad Danubium: quo tempore Pockius annos
 Absolvit vitæ; Frater notissimus *Arci*,
 Quam juga sustentant. veteri Nova more vocatur.
 Illa PALATINO paret frenata PHILIPPO.

Carmen ut exactum fuit; ad patefacta fenestræ
 Fortè tuens steteram, Fluvium speculatus euntem.
 Ecce tibi: fundo canum caput extulit ISTER,
 Non procul aggeribus, quos intra currere jussus
 Cum Nymphis solitos lusus exercet aquarum.
 Tunc fortè innanteisolvebat gurgite cervos.
 Venabatur enim. quassaverat ergo Tridentem,
 Tritones comtos; torvæque armenta Dianæ
 (Visa irata parum) navi imposuere subacta.

Observare Deum placuit: quo lumine, & ore!
 Torvus erat: torvæ Nymphæ, torvique ministri.
 Olli grande caput signant rorantia tauri
 Cornua. cæruleos oculos infecerat imber.
 Luxuriant herbæ per colla tumentia nodis.

Vertice

Vertice stant Cannæ : verbenâque consita juncis
Tempora complexa est. rivus de naribus exit.
Barba madet , ripâsque impexo flumine verrit.

Protinus exclamo : quid enim jam denique restat ?

Vt video , torvi terris dominantur , & astris,
Et pelago. talem si patrius exhibet Ister ;
Quâ facie Neptunus erit ! quâ Iuppiter altus !

Namque Imum curare , nefas. qui præter atroces,

Ac ferrugineos orbeis , quibus utitur , Orcum,

Seque videns , nimium nostris abludit ab oris.

Flammea per patulos stagnant incendia rictus.

Danubi natura trucidis discrimine magno

Distat. in hirsuto nant quædam gaudia vultu ,

Quæ plebs nulla capit : nec nauta domesticus unquam

Advertisse potest : solis noscenda Poëtis.

Digna Deo facies , lentisque imitata colorem

Musco squalore viret. delectat & horror.

Ecce , iterum pleno totum se condidit alvæo.

At non nos Istro totum similisque , parésque.

Ille manet semper torvus. nostrum decus omne

Absorbet Letum : nullâ remanente figurâ.

Ille , licet nequeat cursum cohibere , fluâtque

Aequor in Euxinum , & ponto moriatur eodem :

Nempe reviviscit ; simul ac cunabula pulsat :

Thethyos ; atque novos largè reparatur in ortus.

Nostræ Sandapilæ quando vertuntur in usus

Cunarum ! ille redit : nos autem quando redimus ?

Cùm semel extincti Lethæum intravimus amnem :

Haut alijs rursus scarchris exire licebit.

Currite Mortales fluidi. *Dilabimur omnes*

In mare sicut aqua. Belli , torvique Sodales,

Incompti , comptique ; aliquidque, nihilque nitentes ;

Deformes, pulcrique, & quovis nomine noti ;

Insontesque loci : Satyri , Satyræque valete.

F I N I S.

E 6

AP.



PARÆNESIS HUIUS OECONOMIA.

I.



Ndignissimum videri, Iuvenes ad summa natos, neglectâ animi culturâ, ad villitatem, & saginam corporis abjici. Philosophum fingere comas ante speculum; cum speculari sublimia deberet. Itaque statim ipsis, in vestibulo hujus scriptionis, illud orbis prodigium *Diogenes Cynicus* proponitur, in absolutissimum *Vultuosa torvitas* exemplar.

II.

Enimverò cuncta venerationem quamdam, non tam ex elaborata venustate vultus trahere, quàm sacro incultæ antiquitatis horrore. lignei Iovis simulacrum sæpe præ aureo coli. ut vel hinc appareat, caducum formæ bonum non nimis curandum esse. quando ad æterni nominis famam colligendam, nec *Bianii* gibbus, nec *Æsopi* struma obfuerint.

III.

Porro nihil abjectius esse delicato, & molli Philosopho. quis enim, si sapiat, non malit dici doctus *Therjites*, quàm formosus ac rudis *Protesilaus*? constat certè, *Chrysippi* Acuminis v. m. quod aureum tantopere laudatur, magna ex parte etiam ejus monstrifico inusitate magnitudinis naso deberi.

IV.

Vt autem gressum ulteriùs promoveamus; *Cleantes*, *Carneadem*, *Pittacum*, *Solonem*, *Democritum*, *Cebetem*, ac præ cunctis Socratem non cute nitidâ suffultos, sed immanis patientiæ fuisse Philosophos, utique torvissimos.

V.

V.

Iam verò in *Pythagora* quale spectari abſtinentiæ, juxta & ſapientiæ miraculum ! incitamento poſteris, ut cupidine, non quidem Pythagoricæ transmigratiōnis, ſed veræ, beatæque immortalitatis accenſi, carnivoræ voluptates gulæ ſubſtringant; Poleſtæ Philoſophicæ aſſueſcant, multò minus cæpas, & allia reſugiant. eſt enim adhuc honeſtius, allia, quàm alia (neſcio quæ) ruſtare.

VI.

Non aliud ceteros docere Stoicos : *Stoamque* univerſim diſciplinam tradere ſenſibus quidem minùs gratam, ſed effrenatis cupiditatibus ſubigendis perutilem; auſterioris vitæ, prudentiæque Magiſtram. Id ſatis manifeſtare *Anaxagoram, Anacharſen, Stilponem, Epictetum, Heraclitum, Spenſippum* : ante omnes *L. Ann. Senecam* Cordubenſem.

VII.

Sapientiæ illius pondus vel ex unica diſſertatione poſſe librari, quam collegerit auctor Paræneticus, ex varijs epiſtolis ad Lucilium ſcriptis : in quibus frugalitatem, rerum cœleſtium amorem, terrenarum contemptum ; uti opum, illecebrarum, ſui denique, & ipſius Morris, diſſertiſſimè commendat.

VIII.

Sed non perinde apparere ; quâ fronte, quo animo, quibus auribus, calamistrati Iuvenes acceperunt ſint Philoſophum, de Vanitate Mundi, de Fato, de Fortuna, & qui Fortunâ, ipſoque Leti terrore major fuit, *Catone* diſputantem. ſcilicet nitentes ocellos, roſeas malas, labella diluta, tepentes lanuginis circa genas folliculos, à peſtine ſurgentes cirrhos, baſſami thecas, & mille alia ætatis, atque luxuriæ oblectamenta, vel irvitamina, ad intelligendum, ſuffectura ! potiùs illòs Senecianæ lectionis capaces ſubſtituendos : quorum & qualium ora, mirus artifex *Morpheus, Iacob. Callotus* multiplici ætate expreſſerit.

I X.

Verbo: deformitatem corporis, adipiscendæ sapientiæ nullum obstaculum præbere; immo & *Platonis*, & *Platonicorum* experienciâ, magnum conferre subsidium.

X.

Falli *Peripateticos*, (ut neque hanc se&am omittamus) opinantes *Aristotelem* unguentis, speculo, annulis, armillis, & mollibus semper usum fuisse vestimentis: eo enim tempore, quo scripturus de partibus animalium, brutam anatomiam, non tamen bruto modo exercebat, plerumque instar sordidi aruspiciis, sive ætuenti popæ Naturæ incessisse.

X I.

Vt de *Medicis* multa hoc loco non dicantur, quo fato tamen, nesciri, cur torviôres sint feliciores; minus conspicui famâ, magis conspicui formâ. Iam æger fidentiùs obtemperat, cùm notat imperantem potestate extraordinariâ verba facere: & ibi certius latere credit artem, ubi certiora jocantis Naturæ patent signa. Quâ occasione *Bernardi Marosandula*, celeberrimi Medici gloria refertur. siquidem mirum in tres *Parcas*, velut mancipia sua exercentis imperium; solo aspectu immorigeris, aut contumacibus formidabilis vapulant, quoties non obsecundant.

X I I.

Distortos autem *Mathematicorum* vultus, qui negat exoticum, hoc est, Planetarum cursibus conveniens ingenium portendere; ipsummet dubitantem, portentum esse. An facies *Nicolai Copernici* moventis terram, sistentis Solem à facie prodigiosi Cometæ multum abluferit! Multi certe faciliùs credent Astronomum in Cometam verti posse, quàm immoto cœlo, terrarum hanc molem infra sidera gyrari. Vt ut sit, hujus tantâ, talisque viri, sive nubila opinio, clarior inventio, non ex eburnea Poloni fronte, non ex ore roseo defluerint. Animosus, & hirsutus hic Atlas fuerit necesse

celle est. h quoties patrias urfas æquè torvus aspexerit, quoties Helicen, & Cynosuram salutârit ! illæ stel-
læ circa polum Arcticum stare videbantur, quia in oc-
ciduæ: putavit & solem stare. Ne fabulemur, prodest
aliquando & fabulas scire; si legisset Ovidium; tu-
tus erat à quiete terræ, & casu ingenij.

XIII.

Quod si etiam sanctioris Instituti Philosophos in-
quiramus, asperitatem vitæ, & rugas quodammodo pro-
fessos; occurrere *Ven. Bedam, Scotum, Capreolum, Du-
randum, Occamum*, aliòsque doctrinâ mirabiles, vultu
terribiles. Quibus simillimos producere hodièquæ
Salamanticam, Complutum, Conimbricam, cæteraque
in Europa maximi nominis Lycea. Viventibus præter-
missis, *Soarezij, Vasquezij, Mendoza, Lessij* torvi, an
macri dicantur, nihil interest, constat enim illis cor-
poris curam fuisse nullam, animi summam. Et *Les-
sium* quidem Brabantinum, scriptorem clarissimum;
si non usque ad horrorem spectantium expalluit; sal-
tem oblongo vultu, naso aquilino, totâ facie, ut Hi-
storicus refert, temporibus potissimum macie intror-
sum actis: denique assuetudine patiendi, vincendique
dolores morborum, etiam ferream Veit. Stoicorum
Patientiam non sine Analgesia, superâsse. sed aspectu
traditur placido fuisse, miti ac pio! tantò magis Ani-
mi vultus inter quadraginta quinque annorum tormen-
ta fuit generosus, ac torvus Sententiam meam probant
duo calculi in mortui vesica reperti. Suffragia plura
requiris?

XIV.

His exemplis animum discantis Philosophi, hoc est,
amantis sapientiam firmandum esse; atque adeò af-
fuesfaciendum, ut ambre illius potiundæ, omnia dura
tenter, subeat, perferat: nunquam certiùs potiturus,
quàm neglectis venustatum cupedijs, laborioso cha-
ractere *torvi* insignitus.

XV.

Quod illis præsertim inculcandum; quibus suprema
Maga.

Magisterij Laurea, non ut nitidis, bellis, formosis, comptis, crispis; sed ut doctis, eloquentibus, serijs, animosis, Aristotelicis, hoc est torvis, consummati honoris apex imponitur.

X V I.

Haftenus dicta in prima parte Paraenesis; procedendo nunc ad secundam, multò magis contingere Poëtas: Vix enim fieri posse, ut studium, quod imperu circumagitur, cum insanientis sapientiae vis semel inundavit animum, non etiam tempestate mysticâ vultum aliquo modo mutet, torvumque efficiat. formositatem, oculorum genarumque gratiam, cincinnos, & quae alia in speculo ornamenta relucere possunt; ad Poësin non plus conferre praesidij, quam phaleræ conferant equo, gemmifer capulus ensi.

X V I I.

Omnes Vett. alicujus nominis Poëtas, ab *Ennio* usque in Augustæum seculum deductos, & ultrà; fuisse uno verbo, torvos. & quidem *Innio Iuvenali* Satyrographo, Torvitatem, velut quintum elementum, accessisse.

X V I I I.

Pictorum imperitiâ, an incuriâ, accidere; quod *Musa Heliconi* spectentur nitidæ, molles, muliebriter expolitæ tamquam ad calathiscum sedentes floribus implicandum: cum sint Viragines severæ, castæ, pigmentorum, cerussæque contemperices, tetricæ, torvæ.

X I X.

Hoc insuper manifestum fieri, ex illarum recensitis nominibus, officijs, ac moribus.

X X.

Palladi item, atque ipsius *Apollinæ* majestate, utrumque nomen, aspicientes horrore quodam percellere.

X X I.

Sibyllam certè Cumanam, lib. v i. Aeneid. simul afflata est, vaticinantem formasse vultus horribiles.

X X I I.

Quod exemplo possit esse, atque documento Poëmata

mata

mata mollientibus, ut formæ, pectini, & stibio parum confidant, nihil imputent. *Oselli* enim *Narcissuli* teretes versiculos, & *Marci Schoeki*, hirsuti viri palimpsestum Satyricum, toto Parnassi spatio distare.

XXIII.

Exhibetur nobile par Vatum, *Haly*, & *Capys*. *Capyn* autem extenuatum, scabrum, maciëque confectum, tantò esse meliorem præ *Haly* succulento, atque obeso, quantò torviorem.

XXIV.

Inquiritur istâ occasione; *Pœta nascantur, an fiant*. Explicatur vulgo receptum proverbium, in gratiam *Bavij Tigurini*, & *Damiani Maraonis*.

XXV.

Labore omnia constare. quidquid Natura dederit, arte perfici. Ipsum *Virgilium*, Poëtarum Principem, ignavos, nitidosque Iuvenes utique exemplo suo confutaturum, nullis laboribus pepercisse. vel solum clypeum *Aenex* à *Vulcano* fabrefactum, describendo lib. VII. *Aeneid.* instar *Cyclopi* sudasse, ut meritò de illo ad *Volscam* incudem relatum sit: *Cum decolor esset Flaccus, & haberet nigro fuligo Maroni.* Sat. 7. Iuven.

XXVI.

Idque in primis observandum fuisse *Claudio Frigatto Veronensi*, lautè viventi, promittentisque dignum aliquid populari suo *Catullo*, etiam *Marone*; sed non perinde pollicita factis exequanti. passerem enim, cuius blanditias, & laudes edidit, à *Cygro Mantuano* longissimè abesse.

XXVII.

Apparuisse id ipsum in *Vdalrico Castrico*. Augustæ ad *Lycum* nato, & *Leodegario Ilerda Helvetio*. Audi, specta, lege pulcri pavonis, & fœdi (quare non torvi?) bubonis certamen. utrique vox ingrata. quis tamen crederet? Pavonis pennas, pulcritudine bubonis superatas esse scribendo.

XXVIII.

Posito Poëtam præstantissimum esse *Myropolam*, tantam-

tantâque vim balsami spirare, *quantam non redolent, duo funera* : non reddi tamen idcirco Carmen fragrantius, vel in ipso rosarum thalamo natum. Docere hoc *Ludovicum Sofam*, & *Hirtacum Carallam*. Alterius enim optimis semper odoribus repleti, fœtere verius : floridissimum alterum Vatem, & mera vaporantibus jambis aromata spargentem, hircum olere.

X X I X.

Ambrosium Mucconem Gallum, quamvis facie, & moribus Cynicum pœdore, & porrigine scatentem, Apollinis, omniumque Musarum esse delictum : urî & *Fridericum Panfam*, contra *Tryphonem*, nitidissimam bestiolam contemni : utpote non dignum, qui Panfæ pedibus cothurnum, soccumve inducat, aut solvat.

X X X.

Ceterum *Pharaëlem Arauscanum* à figura Narcissi multis modis abhorrentem, altissimo canendi genere, immortale sibi nomen, in sacro monte comparasse.

X X X I.

At *Theodorum Glycum*, emendatissimum exemplar omnis munditiæ, in ridicula unius Muscæ descriptione, quum fingeret sibi proprias laudes, præ philautia penè extabuisse.

X X X I I.

Quocirca prudentius quemcumque facere cum *Hupfiade Gluckersio*, *Didymæone*, *Rabasso*, aliisque crudissimis cetera sociis, & si vultum tantummodo spectes, ad rastra, & ligones amandandis. at enim ingenijs ipsorum nil cultius, sublimiusque posse cogitari. Tantorum Poëtarum Augia, modusque vivendi describitur.

X X X I I I.

Skepsij Hirniadi Poëtæ Silesiani inaudita, etiam Diogeni invidenda paupertas : tantò opulentior facundia.

X X X I V.

Nihil autem mirabilius videri *Bernardo Abantiade*, Poëta Strumoso : quippe ad carmen ex uberiore venâ fundendum ; nullis sæculis usurpatam phlebotomiam adhi-

adhibente : ne quidem in Alsatia ; nescio, an in Tyrolis. Hunc sane caballino fonte non indigere ; Lyæo, & Phæbo , Poëticam venam simul stimulantibus.

XXXV.

Itaque non dissuaderi Vatibus haustum generosi vini , zythive spumantis, alteriusve potionis soporiferæ, quo Euthusiæsmi excitantur. quæ enim dignior Hippocrene ? sed effeminatas prohiberi delicias, & putidas elegantiarum sollicitudines : quibus exempli gratiâ implicatur *Brandisius Azot.* nimio cultu odiosus : se suosque versiculos tanti æstimans , ut non nisi regis, tenerriam , candidissimæque chartæ illincere dignetur, paullo crassiozem, nigriorémve instar hibulæ, atq; Emporeticæ aspernatus. torvos, verosque Poëtas, non curare has minutias.

XXXVI.

Mathiam Sthenelum adhuc delicatius ineptire, anxium in delectu calamorum, atramenti, scripturæ, manus. quasi verò Poëma præclarius reddant apices pictorij. Cura prorsus supervacanea , hoc æ o ; quo typographica inventio omnium Auctorum labores solatur ; ab interitu liberat : & opus etiam rudibus literis deformatum , à quantavis fæditate absolvit. Scribantur digna legi : beneficium præli non decrit. & vel torvus Amstelodami splendebit.

XXXVII.

Sequitur Paræneticæ allocutionis decursus , Crescentium Marconam , ad consequendum TORVITATIS privilegium , contemptumque luteæ formæ , puerilium item nugarum bullarumque vehementer extimulans.

XXXVIII.

Anacœphaleosis.

XXXIX.

Epilogus. De brevitate, cursuque vitæ humanæ, ex contemplatione Danubij.

HIS ASSERTIONIBUS PARÆ- NETICIS

Subscribit primò.

L. Annæus Seneca, Philosophus.

Honestum ei vile est, cui corpus nimis carum est.
Epist. 14. ad Lucil.

Quantum potes, circumscribe corpus tuum. Animo locum laxa. id bonum cura, quod vetustate fit melius. Epist. 15.

Mirum est fortiter aliquid dici ab homine molli-
tiem professo. ita enim plerique judicant. Senec. ad
Lucil. Ep. 33.

De te ipso gaude, & de optima tui parte. Corpus-
scuium magis necessariam rem crede, quàm magnam.
Seneca ad Lucil. Epist. 23.

An tu existimas, quemquam delicato vultu mor-
tem contemnere? paupertati domum aperire? &c. ib.

Proposuit nostrum est, secundùm naturam vivere.
Hoc contra naturam est, torquere corpus suum, & fa-
ciles odisse munditias. frugalitatem sèxigit philoso-
phia, non pœnam. Epist. 5.

Stoici non habemus ista odorifera, nec emptorem
decipimus. depone istam spem, posse te summata
de gustare ingenia maximorum virorum. per linea-
menta ingenij opus nectitur. Epist. 33.

Corpus quoque, etiamsi magnas habet vires, non
aliter, quàm furiosi, aut phrénetici validum est. Stul-
ta est, mi Lucili, & minimè conveniens literato vi-
ro, occupatio exercendi lacertos, & dilatandi cervi-
cem, ac latera firmandi. Cùm tibi feliciter sagina
cesserit, & tori creverint: nec vires unquam opimi bo-
vis, nec pondus æquabis. Epist. 15.

Animus

Animus suo bono nitatur. non faciunt meliorem equum aurei freni. Leo speciosus ex horrido: cujus hic decor est, non sine timore aspici. præfertur languido, & bracteato. nemo gloriari, nisi suo debet. formosa familia &c. non sunt in homine. Epist. 41.

Torvitatem quamdam & in silvis & specubus veneratur Seneca. ib. Si tibi occurrat, inquit, vetustis arboribus, & solitam altitudinem egressis frequens lucus; & conspectum cœli, densitate ramorum aliorum alios protegentium submovent: illa proceritas silvæ, & secretum loci; & admiratio umbræ, in aperto tam densa, atque continuæ; fidem tibi Numinis facit. Et si quis specus, faxis penitus exesis, montem suspenderit, non manufactus, sed naturalibus caussis, in tantam laxitatem excavatus: animum tuum quadam religionis specie percutiet.

Non multum ad tranquillitatem locus confert: (vel corpus) Animus est, qui commendat omnia. Vidi ego in villa hilari, & amœna mæstos; in solitudine occupatos. Epist. 55.

Non est summa felicitatis nostræ in carne ponenda. Bona illa sunt vera, quæ ratio dat. Cetera opinione bona sunt. Utamur illis, non gloriemur. Ep. 74.

Quid excolis formam, cum omnia feceris; à multis animalibus decore vinceris. *Quid capillum* ingenti diligentia comis? cum illum vel effuderis more Parthorum, vel Germanorum nodo vinxeris; vel ut Scythæ solent, sparseris, in quolibet equo densior jactabitur juba: horrebit in leonũ cervice formosior. Ep. 124.

Subscribit secundò.

Franciscus Petrarcha, Poëta.

Ex lib. 1. de Remedijs utriusq; fortune, cap. 2.

Gaudium. Forma corporis eximia est. Ratio. Nichilo firmior est illa, quàm tempus. Quamvis etiam

etiam durabile, perpetuúmque Naturæ donum. esset : non intelligo, quid tantopere expetendum habeat iste non solidus, nec in ipso homine, nisi superficie tenuis fulgens decor, multaque fœda contegens, & horrenda; levissimóque cutis obtentu sensibus blandiens, & illudens. Veris igitur, & manúris bonis delectari convenit, non falsis, atque labentibus. *G.* Forma corporis elegantissima est. *R.* Habes velum oculis, laqueum pedibus, alis viscum. Haut facile, seu vera discernere, seu virtutem sequi poteris : seu in altum evolare animo. Multos enim ad honesta pergentes forma detinuit, detorsitque in contrariam partem. *G.* Forma corporis mira est. *R.* Bene ais, mira est. quid enim hac vanitate mirabilius? Quanta sibi inferunt juvenes supplicia, ut formosiores non sint quidem, sed appareant. quot honesta interim, quot utilia, quot postremò necessaria negliguntur! Tuum igitur breve, caducúmque bonum, & inane gaudium, sine invidia tibi habeto. *G.* Forma corporis magna est. *R.* Solet hæc stultos adulescentes, quo non expedit, urgere. *G.* Forma clara est. *R.* Exspecta paulisper, & non erit. *G.* Forma corporis hætenus excellens est. *R.* Quàm mallem formam Animæ excellentem. est enim & sua animæ pulcritudo multò suavior, certiorque, quàm corpori. Illam optare, illi operam impendere, dignum erat. *G.* Præclara facies honestat animum. *R.* Immo quidem improbat: & sæpius in periculum trahit. Quid enim attinet gloriari eo, quod neque tuum sit, neque diutius servare possis. quod habuisse, nulli; projecisse, multis gloriosum fuit. *G.* Grator est pulcro vehiẽs è corpore virtus. *R.* Grator, sed non major, aut perfectior.

Idem Auctor in secundo libro, Deformitatem corporis etiam facundo patrocinio solatur, quanto rectius Vulsuosam Torvitatem exornasset.

Doler. Formam corporis natura negavit. *R.* Si formam animi largita est: maximi debitor; exiguï repulsam maximâ mente despicio: & offensam speculi

speculi conscientia solare. *D.* Forma mihi corporis negata est. *R.* Rarò admodum forma insignis honestasque sub uno lare habitant. Bene tibi accidit, si peiori exclusâ, melior tecum est. *D.* Nullum formæ decus obtigit. *R.* Quid hinc doles? in quo tibi necessariam, aut omninò usui, & non potiùs impedimento esse corporis formam putes? *D.* Cur me deformem genuit Natura? *R.* Ut ipse te ornares, ac formosum faceres, eâ formâ, quæ tecum esset in senio, in grabato, in feretro, in sepulcro: essetque tua, non Naturæ laus, aut parentum pulchrius est, pulcrum fieri, quàm nasci. illud enim casus, hoc studij est.

Subscribit tertio.

Rever. P. Jeremias Drexelius S. J. Asceta.

Ex Trismegist. lib. 3.

Cvi pulcrum est corpus, & Anima mala; bonam habet navim, sed malum Gubernatorem.
Cap. 11.

Dic quasi: quò spectant flexæ pectine comæ? meliùs flectitur pervicacia. Quò facies medicamine atrita? Animus magis indiget. Quò crines in fronte refugi, & in altum erecti? Mens erigitur rectiùs. Quid facit gemma in articulo? si nescis, in scriptis pulciores sunt gemmæ, quàm in digitis. eod.

Socrates quidem Philosophus suis suasse fertur, ut semet in speculo contemplarentur: sed in morum, & disciplinæ, non in formæ gratiam id suavit. hoc enim volebat vir sapiens, ut si quis suorum à pulchritudine commendaretur, impendio precararet, ne dignitatem corporis malis moribus dedecoraret. Qui verò minùs se commendabilem formâ putaret, sedulo operam daret, ut virtutis laude turpitudinem tegeret. Non jussit Socrates ad speculum curiosius comam struere, non capillamentum in statione disponere: non crines, velut suggestum ædificare, &c. cap. 5.

Quam

Quam Iuvenes oculos in omnem partem flectunt,
 ne quid navuli industriam oculorum effugiat! Vah!
 Vanitatem Vanissimam. Quid speculum con-
 sulis? mores tuos intueri.
 cod. &c.

F I N I S.

MENDA EMENDATA.

Columna 21. vers. ult. scripturus, leg. scripturus.
 Col. 34. v. 11. st. l. est.
 & v. 13. est, principium. l. est, & principium.
 Col. 41. v. 14. decliv. l. declivis.
 Col. 48. v. ult. Tam n. l. Tamen.
 Col. 58. v. 5. & 6. juvenis. l. in venis.
 Col. 65. v. 23. njuriosè. l. injuriosè.
 In Parznesi. pag. 17. v. 1. nostròque. l. numeròque.
 pag. 22. v. 21. magna in. l. magna vi.

